

KE HO TJHABA HA LETSATSI

 A re inamiseng dihlooho tsa rona. Morena, re sa bokana mona hoseng ho hotle hona ha Paseka, ho bona menokonyana e pheella ka matla ho thunyetsa ntle, dinotshi di fofa di kena ho fumana kabelo ya tsona, dinonyana di bina hoo ekang dipelwana tsa tsona di tla phatlolwa ke thabo, hobane ho ena le Paseka. Re a dumela hore O tsositse Jesu bafung, dilemong tse ngata tse fetileng, kajeno, mme re keteka tsatsi lena la khopotso.

² A Paseka e ke kene hara rona bohole, kajeno. A rona, jwale ka bahlanka ba Wona, re utlwisise Lentswe la Wona, hore re ne re kopane setswalleng sa Wona mohlang oo, le hoba jwale re tsositswe le Yena mme re dutse mmoho dibakeng tsa Mahodimo.

³ Hlohonolofatsa tshebeletso e ka hara tabernakele mona, le ho phatlalla le dinaha moo o eang teng, ka mohala ona.

⁴ Fodisa bakudi bohole le ba mahlomoleng. E ke e be Paseka le ho bona, hape, le exoda ho tloha ho kuleng ho ya matleng. Mme bao ba shweleng sebeng le tlolong, ba ke ba phele kajeno ka Kreste. Mme re tla rorisa Wena, hoba re kopa ka Lebitso la Hae. Amen.

⁵ Ruri ke hloma lena e le lehlohonolo le tsotehang, hoseng hona ho kgutlela mona Jeffersonville, Indiana, hammoho le phuteho e kgolo ena, kereke e petetsane e bile ho engwe, le ka mathoko le ka ntle, le dibakeng tsa ho emisa makoloi le hohle. Ho lona batho ba mehaleng ho phatlalla le setjhaba, ke hoseng ho babatsehang mona.

⁶ Ka hora ya bohlano hoseng hona, motswallenyanwa ka ya sefuba se sefubedu o ile a fofela fensetereng mme a ntsosa. Yaka pelonyana ya hae tla phatloha, a re, "O tsohile." E sa le ke nahana nonyana e nyenyane ena e le motswalle wa ka, hoba ke a e rata.

⁷ Jwale ka ha tshomo ya yona e re, "Nonyana e nyenyane e sootho e ile ya Mmona a hlomoha sefapanong, moo sebe se ne se Mmeile teng." Ehlide, nonyana e nyenyane e ne e se na sebe. O ne a sa lokela ho shwela nonyana e nyenyane. "Empa ya fofela sefapanong mme ya leka ho rutla dithakgisa, ka molongwana wa yona, mme ya neta sefuba sa yona sohle sa eba sefubedu." Mme ke kamoo ke batlang sa ka, le nna, jwaleka thebe, ya ho leka ho sireletsa Ntho e tlotlehang ena eo A e shwetseng.

⁸ Ka temoho ya ha nako ya rona e lekantswe mona, haholo ho metswalle e mametseng ka mohala ona, ke rata ho hulela

maikutlo a lona hoseng hona ho—ho setshwantsho se nkilweng ke khamera nakwaneng e fetileng, sa pono eo ke ileng ka e fumana mona tabernakeleng, ya ho tloha Indiana, ho ya Arizona; moo ke neng ke tla kopana, ka sebopoho sa piramite, le Mangeloi a supileng. Ke sa tsebe se tla etsahala hamamorao, ha ke fihla mono, ka kgopoloh a ha e ne e le pheletso ya bophelo ba ka, kaha ho ne ho se motho ya ka emelang ho qhoma hoo; mme ke a kgolwa lona bohole le tseba pale eo. Mme hape Khohlong ya Sabino, hoseng ho hong ho kang hona, ke sa le thapeleng, ho ne ho ile ha bewa sabole letsohong la ka, mme ha thwe, “Lena ke Lentswe, homme Sabole ya Lentswe.

⁹ Hamorao, Mangeloi a hlaha jwalo ka ha ho ne ho porofetiloe. Mme nakong yona eo, kganarehadi ya Lesedi ya tloha moo ke ne ke eme teng, mme ya phahamela dimaele tse mashome a mararo sebakeng, le ka sedikadikwe ho pota, eka mapheyo a Mangeloi, mme la taka mahodimong tshobotsi ya piramite ka sona senkgome sa Mangeloi a hlahileng.

¹⁰ Mahlale a nka setshwantsho, ho tswa tlase kwana Mexico, nakong eo le tlohang Arizona e ka leboya, moo Moya o Halalelang o ne o boletse hore ke tla be ke eme teng, “dimaele tse mashome a mane leboyabotjhabela ho Tucson.” Mme la phahamela sebakeng, mme makasine wa *Life* o ne o kentse ditshwantsho tseo, “Selo se mohlolo se sa utlwisiseheng hodimo dibakeng, moo mongobo o sa tlo fihla, moo dimoyafalo tsa ntho efe feela di ke keng tsa etsahala; bophahamong ba dimaele tse mashome a mararo, le boahlamo ba dimaele tse mashome a mabedi a metso e supileng,” mme la nyoloha hantle moo Mangeloi ao a ne a le teng.

¹¹ Jwale, ba botsitse, hore ba tle ba tsebe. Mahlale, e mong wa bona kwana Tucson, a batla ho tseba boholo bo ka bang teng ba taba ena, empa ka se ke ka ba bolella. Lona bohole le e tsebile, ya bolelwa pele ho nako. Empa e ne e sa etsetswa bona; e ne e etsedsitswe lona.

¹² Mme ha ho le jwalo A bua le nna mono, le ho re, “Ditiiso tse Supileng di tla manollwa. Diphiri tse supileng, sephiri sa mekgahlelo e supileng sa Bibele, seo e sa le se kwalwa ho tloha tshimolohong ya lefatshe, se tla senolwa.” Mme rona, leha re le sehlotschwana, ha ho bapiswa le lefatshe, re ile ra natefelwa ke mahlahonolo ana, ho utlwa diphiri tseo. Lenyalo, hlalo, peo ya noha, dipotso tsena tsohle tse fapaneng, re se re di senoletswe ka botlalo, e seng ka motho, empa ke Modimo, ka Sebele, ya manolotseng diphiri tse supileng tseo; tsa seo Kereke e ne e le sona, kamoo E ne e le ka ho Kreste tshimolohong, le kamoo E tla senolwa tsatsing la ho qetela.

¹³ Mme jwale, eitse ha ntho ena e nyoloha, re beile setshwatsho ka ntle lematjaneng. Empa, he, ke na le

setshwantsho se robetseng mona hona jwale, ha le ka lemoha, jwale ka ha makasine wa *Life* o se nkile. Empa kea ipotsa na mokgupi wa ka, o pontsheng mona, o kile wa sheba setshwantsho hantle, le a bona, le a bona, kamoo se tshwanetseng.

¹⁴ Le sa hopola, ke ne ke rera mohla pono ena e ne fihla, ka temana ya Buka ya Ditshenolo, moo baahlodi ba kgale, moo re boneng Jesu ho Ditshenolo 1. Mohla re qalang ho bula Ditiiso tse Supileng...kapa di—kapa Mengwaha ya Kereke, ke rialo, pejana feela ho pulo ya Ditiiso tse Supileng. Kreste o na eme ka “moriri o kang boyo, bosweu.” Mme ka le hhalosetsa hono, hore baahlodi ba kgale ba Manyesemane, le baahlodi ba boholoholo, ha ba ne ba hlwella setulong, ho hlapantshwa, ba ne ba abelwa boholo ba bona bo phahameng. Ba ne ba rwala wiki e tshweu, kamoo ho ne ho le kateng, dihloohong tsa bona, ho bontsha boholo ba bona bo phahameng.

¹⁵ Tjhe, ha le ka phethola setshwantsho *jwana* mme la sheba, mohlomong le ka se bona ho tswa mokguping, ke Kreste. Le bona mahlo a Hae a shebileng *mona*, ka ho phethahala feela kamoo ho ka etswang; ho rwala wiki e tshweu ya Boholo ba Borena mme ke Moahlodi wa mahodimo wohle le lefatshe. Na le bona mahlo a Hae, nko, molomo wa Hae? [Phutheho e re, “Amen.”—Mong.] Phetholang setshwantsho ho tswa *mona*, kamoo ba ne ba se beile kateng; ka tsela *ena*, kamoo se loketseng ho ema kateng. Mme lona...Na le a se bona? [“Amen.”] Ke Moahloli e Moholo. Ha ho e mong ntle le Yena. Mme boo ke boitsebiso bo phethahetseng hape, netefatso ya hore Molaetsa ona ke Nnete. Hona ke Nnete. Ho nepahetse. Le ho Mo etsa e seng Motho wa boraro, empa yena feela Motho!

¹⁶ Ka bosweu, le a bona, le bona lefifi, sefahleho sa Hae, tedu tsa Hae, le mahlo a Hae. Mme lemohang, O shebile...Ho Yena ho tswa Lesedi le kganyang lena ka letsohong le letona, moo A shebileng teng. Mme sefapanong, ke hona moo A na shebile, ho le letona, moo A lebaletseng moetsadibe. Ho latela Lesedi la tsoho ya Hae, re sa ntse re tsamaya ka Lebitso la Hae.

¹⁷ Eka, hoseng hona, nka be ke ena le nako e ngata feela ho—ho e sebedisa hodima taba tse mohlolo tsena tse se nang le seriti sa pelaelo, tse pakilweng dilemo tse mashome a mararo tse fetileng, kapa dilemo tse mashome a mararo le metso e mehlano, hantle mona kerekeng ena; ho tlaha mohlang oo tlase nokeng, mohla lona Lesedi leo le theohelang tlase mona Jeffersonville, ka 1933, le ho bolela mantswe ao, “Jwale ka ha Johanne Mokolobetsi a rometswe ho etella ho Tla ha Kreste la ho qala, Molaetsa wa hao o tla etella ha bobedi.” Re nakong ya qetelo, mme re a e bona. Ka dinako tse ding re a ipotsa nobaneng o sa jaleha hodima lefatshe; mohlomong ka nako e nngwe re tla fumana moyetla wa ho hlaosa hoo, ha Modimo o rata.

¹⁸ Jwale ke batla le phetle mono—mono Dibebeleng tsa lona, jwaleka ha kamehla re dumela hore Lentswe le tshwanetse ho tla pele, palo ya Lentswe. Kamehla ke bala Hono, hobane Lona... Mantswe a ka ke lenseswe la motho, le tla hlolleha; empa Lentswe la Modimo le ke ke la hlolleha le ka mohla.

¹⁹ Jwale re tla—re tla bala ho tswa Mangolong a Halalelang, mohlodithero. Mme re batla le phetle, pele, dibakeng tse tharo Bibeleng, tseo ke khethileng ho bala ho tsona. Se seng sa tsona ke ho Ditshenolo, kgaolo ya 1, le temana ya 17 le 18; mona ke moo A hlahileng ka “Moriri wa Hae o le mosweu jwaleka boyo; le maoto a Hae eka borase.” Mme ke batla le fumane hape, Dibibeleng tsa lona, Baroma 8:11. Ke kgethile, hoseng hona, dibaka tse tharo tsa ho bala, ho tswa Mangolong a Halalelang, bakeng sa Molaetsa wa ka kajeno, oo Morena a o beileng pelong ya ka bakeng sa tsoho. Mme ke batla le phetle, hape, Mareka 16:1 le 2. Moo ke tla ntsha theroyaka—ya ka.

²⁰ Jwale ho Ditshenolo 1:18, re bala Mantswe ana, 17 le 18.

Eitse ha ke mmona, ka wela maotong a hae eka ke shwele. A bea letsoho la hae le letona hodim'a ka, a re ho nna, Se tshabe; hoba ke nna wa pele le wa morao:

Mme kea phela, ke na be ke shwele; mme, bona, ke phela ka mehla le mehla, Amen; ke na le dinotlolo tsa lefu le dihele.

²¹ Mme ho Baroma kgaolong ya 8 le temana ya 11, re bala sena.

Mme ha moyo wa ya tsositseng Jesu bafung o ahile ka ho lona, ya tsositseng Kreste bafung o tla phedisa le mmele ya lona e shwang ka Moya wa hae o ahileng ka ho lona.

²² Mme jwale ho Mareka kgaolo ya 16, kgaolo ya tsoho, kgaolo ya 16, ditemana tsa 1 le 2.

Eitse ha sabbatha e fetile, Maria Magdalena, yena mme... le Maria mma Jakobo, le Salome, ba tlisa linoko, ba tle ba ee ho mo tlotsa.

Ka meso ya letsatsi le qalang veke, ba ya lebitleng letsatsi ha le sa tswa tjhaba.

²³ Jwale, theroyaka hoseng hona, ke batla ho qotsa bakeng sa theroyaka: *Ke Ho Tjhaba Ha Letsatsi.* Mme bakeng sa temana, ke batla ho sebedisa, “Matla a tsosang.”

²⁴ Jwale, le a tseba, mohlomong le utlwile seyalemoya le bareri ba fapaneng ba buang. Le Moena Neville wa rona ya kgabane a hlahissa temana ya hae ya Paseka, ka tsoho. Mme ka nahana ha mohlomong nka tshwarana le yona ka—ka mokgwa o fapaneng ha nyenyane, e se ho fapanana, empa ho ekeletsa ha nyenyane ho feta, mohlomong ka sekgutlo se seng, molemeng

wa lona. Mangolo, kgutlwana se seng le se seng seo o se nkang ka Mangolo, Se bolela Jesu Kreste ka mehla. O ke ke wa sutha ho sona, ka mokgwa ofe. Se Mmolela ka mehla.

²⁵ Jwale, jwale ka ha lefatshe kajeno le—le kene tshebeletsong ya kgopotso, kapa, bonnyane, Dinaha tse Kopaneng le karolo ena ya lefatshe, hoseng hona, ka hara dikereke le hohle, le keteka kgopotso ya—ya khapo e kgolo ka ho fetisisa eo motho a kileng a e fumana.

²⁶ Ke nahana, jwale ka Mopholosi A ne a shwa, kapa jwale ka lesea ha A ne a hlaha, A ka be a sa tla kwano ha e ne e se ka morero wa ho tla lefatsheng. Mme ha A na shwa, ruri o phekotse sebe sa rona. Empa, leha ho le jwalo, ho bile le bana ba bangata ba batle ba tswalwang, ho bile le banna ba bangata ba hlomodisitsweng mme ba shwela morero o molemo, empa ha ho eso be le ya kgonneng ho itsosa ho fihlela tsatsi lena.

²⁷ Jwale, eo ke veke e kgolo ka ho fetisisa nalaneng, mokete o moholo ka ho fetisisa wa mehla yohle, Paseka ena ke moo A pakileng seo A se boletseng. Motho a ka bua dintho, empa ho ke ke ha lumelwa ho tsona ka nepo, ka ho hlaka, pele di pakwa hore ke Nnete. Mme jwale ka Modimo, Ya itseng, “Le leke tsohle; le tiisetse ho tse molemo,” A ke ke a o laela ho etsa seo A neng a ke ke a se etsa ka bo-Yena. Ka baka leo O pakile hore enwa ya shwetseng sebe sa rona e ne e le Mang.

²⁸ Mme, jwale, ha se tsatsi la sehopotso feela, hara dipalesa tsena tsohle tse kgolo tsa Paseka, le dikatiba tsa Paseka, le mebutla e pinki, le tse jwalo, tseo re keneng ho tsona, le mokete o halalelang; etswe ho itoketse, empa ha se yona ntho ya nnete ka mokhoa oo.

²⁹ Jwale ka ha batho kajeno ba leka ho re, “Eka khona re hlatswe maoto a rona hang ka selemo, ka—ka Labone, mme re loketse ho ja selallo ka Labohlano,” le dithuto tsohle tse fapaneng tsa... Ba pheha kgang ka hore e tshwanetse ho ba tsatsi *lena* kapa tsatsi *lane*, kapa na e loketse ho ba letsatsi la sabbatha kapa letsatsi le qalang veke; kapa... Dintho tsena tsohle e mpa e le meetlo feela. Ntho efe feela ho tseo e ne e tla o thusa kang, hore o no o kene Livekeng tsa ho itima kapa o ne o sa kena Livekeng tsa ho itima, ha Bophelo bo le siyo ka ho wena? E mpa e le sehopotso feela. Athe, ha ho letho kgahlano le eona, empa ruri ba phethile lineeletsano tsa bona, ba mpa ba siya ntho e ka sehloohong.

³⁰ Satane ha a tsotelle o tletse borapeli ha kakang, kapa o nepile hakae Thutong ya hao. Ha o fosa Bophelo boo, o ke ke wa nyoloha, le hona. Ho sa tsotelehe borapeli bo bokae, ho loka ho hokae, o bile setho sa likereke tse kae kapa o tlhang ho ba setho sa tsona, ha ho thuse le ka ntho e le ‘ngoe ha o sa tsoaloa labobel.

³¹ Ka hona, efela ha Molimo o tsositse Jesu bafung, na O Mo tsoselitse sehopotso? Mme na hoseng hona ha tsoho ke—ke letsatsi le le leng feela selemong, kapa tsatsi le itseng leo re ketekang hona? Kapa, na re majalefa a tsoho ea Hae? E bolela'ng ho nna? E bolelang ho wena? Jwale re lumela, ka tumelo, hore O tsohile bafung, empa hoo ho amana jwang le nna? E ne e le lilemong tse likete tse pedi tse fetileng.

Jwale ho fumana theron ena!

³² Ereka ha ke ne ke kgathetse, sephaka sa ka se opa, ka baka la dinale tseo mooki a ne a ntlhabile tsona. Hoba, ho ya mose ho mawatle jwale, kamoo le tsebang, matsatsing a mmalwa, ke tshwanetse ho hlajwa dinale tsena, nna le mora. Mme ka cholera, feberu e tshehla, le ntho e nngwe le e nngwe, keha ke kgathetse ruri, tsa nkudisa. Etswe, Sesare a batla ho hlajwe dinale tsena pele o kena setjhabeng se seng. Mme O boletse, “Fang Sesare seo e leng sa Sesare, empa leha ho jwalo le Molimo seo e leng sa Molimo.”

³³ Mme eitse ke sa dutse mono, ke ipotsa seo ke tla se bolella mokgupi ona o letileng hoseng hona; oo ke o lebohelang haholo, homme banna le basadi ba ka telang maphelo a bona ka baka la seo o tla se bua. “Nka etsang jwang? Nka qotsa eng bakeng sa theron?”

³⁴ Mme ke sa dutse mono, ke batla ke kgalehile, lemati la ka la reketla, ka ntle karolong e kapele ya ntlo. Ho se motho ha e se nna, ho ya kamoo ke ne ke tseba. Ka mamela. Ke sa utlwisise taba ena hantle. Ka mora nakwana, lemati la phaposi ya letsaba, moo ke kenang setading sa ka, la reketla, mme motho a nna sisinya lemati. Mme ka—ka ya monyako ka ba ka bula monyako, mme, ho makaleng ha ka, ngwanana e—e motle, e monyenyan, ya moriri o mosehla, ya mahlo a bolou keha a eme mono, eka palesa e nyenyan ya Paseka; yena ya dutseng mona a ntjhebile hona jwale.

³⁵ A mpha karete. Mme e ne e le . . . Ehlide, kea kgolwa ha ke fihla hae ho tla be ho na le dikarete tsa Paseka, le dintho tse jwalo; empa yona feela, ha ke tloha hae, eo ke ileng ka e amohela. Mme a re, “Moena Branham, ena e tswa ho nna le ntate.” A batla ho etsa bonneta ba hore “nna” e ne e keneletse. Mme ntatae ya tshwerweng ke athraetisi, ya dutseng setulong sa bakudi, o ne a rometse karete ena. Hoba ke e nke le ho leboha moratuwa e monyenyan, ha a retoloha mme a furalla monyako, ka phuthulla karete.

³⁶ Mme kareteng ena ka ntsha mohlodithero wa ka. Hoba, hodima karete e ne le Mohalaledi Mareka 16:1 le 2, ho phahama ha letsatsi, letsatsi le ne le tjhaba. Yaba ke nahana ka hono, le temana ya “ho phedisoa,” ha Jesu Kreste ho tsoswa bafung, ka ntsha sehlooho sa ka.

³⁷ Jwale, letsatsi, ha letsatsi le tjhaba. Tjhe, ho bile le nako moo lefatshe le ne le robetse lefifing le shwetseng. Le ne le hloka sebopheho, mme le le feela. Mme le kgurumeditstswe ke metsi hohle, mme le robetse mono moyeng o lefifi, o soto, o tepeletseng. Mme Moya wa Modimo wa tsamaya hodima metsi ao, le ho re, "Lesedi le be teng." Modimo o no o na le lebaka la ho etsa hoo, hoba tlase tlasa metsi ho ne ho ena le dipeo tseo A di jadileng, mme e loketse ho fumana mahlasedi a letsatsi ho e phedisa.

³⁸ Mme Lesedi la pele le kileng la abjwa lefatsheng e le Lentswe la Modimo le builweng. Lesedi la pele le kileng la tjhabela lefatshe e ne e le Lentswe la Modimo le builweng. O ile a re, "Lesedi a le be teng," mme lesedi la e ba teng. Hoo ha fetolela lefifi leseding, ho tle ho hlahiswe popo ya thabo le bophelo hodima lefatshe. Yaba, Moya wa Modimo, ha O ntse o tsamaya ka lerato le kutlwelobohloko, tsatsing le leholo leo, tsatsing la pele la ponahalo ya popo hodim'a lefatshe; letsatsi le ile la tjhaba mme la ferella, mahlasedi a lona, mme a omisa metsi lefatsheng, mme ha etsoa sebaka hodimo. Mme, kgetlong la lona la pele, le ne le loketse ho hlahisa thabo le bophelo lefatsheng, ka peo. Ya eba hora e kgolo eo.

³⁹ Empa, oh, tjhabo eo ya letsatsi, e ne e se letho, papisong le tjhabo ya letsatsi ya hoseng ha Paseka. Kgetlong lena, ha letsatsi le rutlolohela mahodimong, la hlahisa tjhabo e kgolwanyane ho feta mohlang oo; hoba ka tjhabo ena ho fihlile ditaba tse kgolo, ho feta kamoo ho bileng kateng tjhabong ya letsatsi tshimolohong. Tjhabo ena ya letsatsi e tlisitse ditaba, tsa hore, "O tsohile! O phedisitswe ho tswa bafung, jwaleka ha A tshepisitse. O tsohile bafung."

⁴⁰ Kgetlo la pele ha letsatsi le ne le tjhaba, ho Genese, le ne le tlisa molaetsa wa hore ho tla ba le bophelo hodim'a lefatshe, bophelo bo felang.

⁴¹ Empa kgetlong lena, ha letsatsi le tjhaba, ha hlahi tjhabo ya letsatsi e—mekhahlelo e mmedi; Mora, e mong, ya tjhabang. E ne e le yona . . . e sang feela s-u-n [letsatsi—Moft.] le tjhabang, e ne e le S-o-n [Mora—Moft.] ya na tsohile ho hlahisetsa Peo yohle ya Modimo e tshepisitsweng Bophelo bo sa Feleng eo ka boitsebelo-pele A e boneng e robetse hodim'a lefatshe.

⁴² Jwale kaha bo—bophelo ba dimela bo ne bo ka sitwa ho phela morao mono tshimolohong s-u-n e le siyo ho bo phedisa; ho ke ke ha etsahala, kajeno, mehleng eo bara ba Modimo ba leng hodim'a lefatshe, ho batleha Lesedi la S-o-n ho ba fihlisa Bophelong bo sa Feleng, bakhethwa ba Hae bao A ba tsebileng le pele ho thewa lefatshe. O ba kgethile ka ho Yena pele ho thewa lefatshe.

⁴³ Mme hoseng ha Paseka, mohlang oo, kae-kae leroleng lena mebele ya rona e ne e robetse mohlang oo, hoba re lerole la lefatshe. Mme Lehodimong, ho ne ho e na le Buka ya

sehopotso, mme mehopolo ya Hae e ne e le ka ho Yena, ka ho tseba hore Mora enwa wa Modimo o tsohile, E ne e tla tsosetsa hape Bophelong mora ka mong ya khethetsweng nako e kgolo ena e sa le pele. O tsebile hore e tla etsahala. Mme e le tjhabo e fetisang ka kganya hakakang ho eo ya tshimolohong, mohla e ne e hlaha la ho qala.

Jwale, manollong e kgolo ena ya Tiiso ya Paseka!

⁴⁴ Jwale, kajeno re fumana lefuba, tiiso ya Paseka. Batho ba romela molaetsa, e mong ho e mong, le ho tshehetlsa letlole le leholo lena kapa morero, hore dingaka le bohlale ba meriana bo tle bo sebeletse hodima ntho e nngwe, ho thithibanya kapa ho thusetsa ho lefuba. Tseo ke tiiso, hoo re ho bitsang tiiso ya Paseka, ha re romellana melaetsa. Empa ha re amohela molaetsa, tiiso eo e a manollwa, hoba tiiso ke yona e koaletseng molaetsa ka hare.

⁴⁵ Mme jwale, Tiiso ya nnete ya Paseka, tjhabong ena, e ile ya robjwa; mme sephiri, sa Bophelo ka mora lefu, sa senolwa. Pele ho nako eo, re ne re sa tsebe. Lefatshe le ne le kgobokane lefifing, le qhoqhotsa hohle, pelaelo ya motho. Menahano e ne e ituletse pelong ya motho, ha ralwa moetlo. Motho o ne a rapela diseto. Ba rapela letsatsi. Ba rapela mefuta yohle ya medimo. Mme batho ba mefuta yohle ba neng ba ipoledisa, bohle ba ile ba kena lebitleng, mme ba dula lebitleng.

⁴⁶ Empa Tiiso ya nnete e ne e robilwe, mme Yena Ya kileng a phela jwaleka ha re phela, a shwa jwale ka ha re tla shwa, o ile a tsoha bafung. Hoseng ho ho kakang! Ha ho eso hlahe ntho e tshwanang le eona, nalaneng yohle ya lefatshe. Ha tsebiswa sephiri sa hore E ne e le tsoho le Bophelo.

⁴⁷ Mme O ile a re, mohla A n'a tswa hoseng hoo, "Ka hobane Ke phela, le lona le phela ke hona." E ne e se Yena feela mojalefa wa tsoho, empa Peo tseo tsohle tse neng di itshetlehile tshepisong e kgolo ya Modimo e ne e le majalefa a Bophelo boo bo tsosang. Hoba, A boletse, "Ka hoba Ke phela, le lona le tla phela." Eo e ne e le manollo ya Tiiso. Hoba A ile a nyollwa, ka mokhwa o tshwanang e mong le e mong ya ka ho Kreste o tla nyollwa le Yena mmoho.

⁴⁸ Tjhabong e tlotlehang ena, Modimo o no o pakile, kapa ho netefatsa, Lentswe la Wona. Ho tepella hohle le pelaelo tse kileng tsa feralla dikelellong tsa batho di ile tsa siroha, hoba Yena Ya kileng a phela e ne e le enwa, a ja, a nwa, a ba a thea setswalla le motho, ya neng a itse, "Ke na le matla a ho nka bophelo ba Ka; Ke na le matla a ho bo tsosa hape." Mme jwale O ne a sa etsa puo feela, empa A e paka e le Nnete. Oh, ke ntho e kganyang hakakang!

⁴⁹ Ke tiile hoseng hona hore esita le rona, ba e dumelang, re sitwa ho elellwa e ne e le ntho e kgolo hakakang. Hobane A tsohile bafung, le rona re se re tsositswe bafung, hoba re ne re le ka ho Yena.

⁵⁰ Lemohang jwale. Erekaha tsharelo e ne e apesitse lefatshe, le dipeo di ke ke tsa phela ka ntle ho tjhabo ya s-u-n, mme tsharelo e ne e apesitse lefatshe. Mme jwale S-o-n o ne a tsohile, mme tepello yohle ya nyametswa ke Lesedi lena, nakong eo Le hasanang hodima ditjhaba, ho ya bathong, ha thwe, "Ha A yo mona, empa O tsohile!" Polelo e kakang—e kakang! O ne a pakile Lentswe la Hae. O ne a Le pakile jwalo, hore ke nnete, hoba jwale A ne a hlotse lefu, dihele, le lebitla.

⁵¹ Botrintase ba diabolosi; lefu, dihele, le lebitla; hoba Satane ke moqadi wa lefu, ke mong'a dihele, le lebitla hape. Mme boo e ne e le boraro ba Satane, bo hlahiswang ke ntho e le nngwe, e ne e le lefu. Lefu, o ya lebitleng; mme ka ha o le moetsadibe, o ya diheleng. Hoo hohle ke ntho e le nngwe, botrintase ba Satane, boo e ne e le lefu. Bo ne bo ile ba holeha motho dilemong tsena tsohle.

⁵² Empa jwale botrinatase ba nnete ba Modimo, e leng Yena ya bonahaditsweng ka ho Kreste, Eo e neng e le Bophelo, homme a robile Ditiiso le ho hlola sera, a ba a tsoha, wona feela Modimo wa nnete le o phelang. "Ke Nna ya na be a shwele, mme Ke phela ka mehla, mme ke tshwere dinotlolo tsa lefu le dihele." Modimo, Bonngweng, a entswe Motho, mme a aha hara rona, a ba a hlola sera se sang le se sang. Le ho paka hore boraro ba Satane bo hlotswa, le hoba boraro ba Modimo bo tsebahaditswe, hoba ke Modimo o inotshi o no e-na le matla a ho kgutlisa Bophelo. E ne e le Emmanuel eo. Modimo o no o bonahaditswe nameng.

⁵³ Ha ho makatse ha A ne a ka bolela mono, ho Mattheu kgaolo ya 27, "Matla ohle Lehodimong le lefatsheng a beilwe letsohong la Ka. Ke le roma jwalo ka dipaki tsa Ka, lefatsheng lohle." O ne a hlotse lefu, dihele, le lebitla. Ha A etsa hoo feela; a ba a tswa, e le mohlodi, a e-na le matla wohle Mahodimong le lefatsheng. Sohle seo Ntate a ne a le sona, sohle seo Moya o Halalelang o neng o le sona, tsohle tse kileng tsa ba teng, di ne di le ka ho Yena. "Ke neilwe matla ohle Lehodimong le lefatsheng." Ntho tse ding tsohle ha di na matla. O ne a le hapile.

⁵⁴ Jwale! Mme hape, e sang hoo feela, A romela Polelo ho barutuwa ba Hae, badumedi ba Hae. "Se tshabeng, hoba Ke nna ya na be a shwele, mme ke phela kamehla le mehla. Mme Ke tshwere dinotlolo tsa lefu le dihele; ke se ke le hlotse. Le se hlole le tshoha, hoba Peo e nngwe le e nngwe e kgethiliheng pele, e rerilweng pele ya Modimo e tla tsosetswa Bophelong ha Lesedi leo le tjhaba hodima lefatshe, e leng la Evangedi e tlottlehang. Mongwaha o mong le o mong, E tla hlahisa sejalo seo Modimo a E baletseng ho se hlahisa." O ne a tsohile bafung.

⁵⁵ Kgele, ke ntho e kgahlehang hakakang eo, “Ke a phela, kapa ke tsositswe.” Lentswe leo le bolela, lentswe ho tsoswa, lentswe leo la se-Gerike le bolela hore ke ntho e “phediswang ka mora lefu.”

⁵⁶ Jwalo ka—jwalo ka peo e kenang fatshe, e ka kgona e shwe, karoloana ka nngwe ya peo. E ka kgona e bole, karoloana ka nngwe ya peo. Mme karoloana ka nngwe ya bophelo, bo neng bo le ka hara peo, e loketse ho kgutla hape.

⁵⁷ O ile a “tsoswa.” E seng hoo feela. “Mme Ke tla romela bona Bophelo bo Ntsositseng, Matla a Nyolotseng lebitleng, Ke tla le romella Wona, ho le tsosa, hore moo Nna ke leng teng le lona le be teng.”

⁵⁸ Ho Luka, kgaolong ya 24, temaneng ya 49. O boletse, “Bonang, Ke le romella pallo ya Ntate; le mpe le lebele, kapa le eme, motseng wa Jerusalema, le be le tlatswe ka Matla a tswang Hodimo.” Ho bontsha ha A sa fola melemo yohle feela teng, A mpa a aba melemo eo.

⁵⁹ O tlide ka morero wa topollo, kapa ho tlisa Bophelo, ho Peo tseo tse reretsweng pele tseo Modimo o di boneng pele ho thewa lefatshe mme wa ngola mabitso a tsona Bukeng ya Bophelo. Mme ke bana moo ba leng teng lefatsheng, ntle le tshepo; ha A tlela ho fetoha Lehlohonolo feela, empa ho arola Lehlohonolo leo le Peo ka nngwe e rerilweng pele. Jwale, ha Peo e ne e le siyo lefatsheng, e be e ka sitwa ho phela. E ne e loketse ho ba lefatsheng, hape le ho mediswa. Ha ho tsotelehe E ne e dutse lefifing nako e kae, E tla nyoloha mohla S-o-n a E tjhabelang. Lemohang jwale, O tletse ho Le arolelana le rona mmoho.

⁶⁰ Ha ho makatse ha Evangedi e le ditaba tse molemo. Lentswe lona leo *Evangedi* le bolela “ditaba tse molemo.” Ditaba tse molemo, eng? Ha motho a re shwetse, ke ditaba tse molemo tseo. Ha eba Kreste a tswetswe, ke ditaba tse molemo tseo. Empa ha ho e-so be le ditaba, ha ho eso be le ditaba tse jwalo ka ditaba tsena, hore Yena Ya entseng tshepiso o thasiseditse tshepiso. Ebe he, “O phela ka mehla le mehla, mme o tshwere dinotlolo tsa lefu le dihele, letshong la Hae.” Ho tepella hohle ho hlohlorilwe. Tepello e ne e sa tlo hlola e bonwa, hoba Mora o ne a nyolohile lebitleng. Ho se taba ya ho re, “Tjhe, O tla tla, kapa A ka nna a tla.” O ne a se a tlide, Evangedi, ditaba tse molemo!

⁶¹ Lemohang, wona Molaetsa wa Evangedi, ka boWona, o pakela batho hore O tsohile. “Eyang le bolelle barutuwa ba Ka hore Ke tsohile bafung, mme Ke tla kopana le bona, ho ba thasiseletsa hona.” Oho Modimo, kamoo tsatsing lena la ho getela Lesedi le tla tjhaba hape bophareng ba lefatshe! “Mme Ke tla pakela barutuwa ba Ka! Eyang le ba bolelle hore ha Ke a shwa, mme ha Ke moetlo, Ke mpa ke le Kreste ya phelang.

Ke tla kopana le bona. Romellang barutuwa ba Ka Molaetsa wona, wa hoba Ke tsohile bafung,” yona Evangedi, ditaba tse molemo.

O re, “Na hoo ke nnete?”

⁶² Baheberu 13:8 e boletse, “E sa le Yena maobane, kajeno, le ka ho sa feleng.” Rona, majalefa a Hae, re loketse ho paka Bophelo ba Hae ka ho rona jwale, majalefa a Bophelo bona. Bophelo, ha ho bophelo bo kang boo bo kileng ba phelwa; E ne e le Mora Modimo. Mme O ile a shwa, mme hoo ha bo kwalla ka ntle; empa ha A ne a tsoha bafung hape, hoseng ha Paseka, jwale rona, jwale ka bahlanka ba Wona, re laelwa ke Yena ho ya ka lefatshe lohle le ho isetsa motho ka mong ditaba tse molemo tsena, hore O a phela. Mme re ka e kgona jwang ka Lentswe feela? Hoba ho ngodilwe, “Evangedi ha e a ka ya tla ka Lentswe feela, empa ka matla le ponahatso ya Moya o Halalelang, ho paka hore O a phela.”

⁶³ Jwale, ha ho e-na le Evangedi e nngwe, jwalo kaha Paulose a buile le sehlopha se seng, “Ke le makaletse ha le fetetse evangeding e nngwe e sele.” Athe e nngwe ha e yo, empa e le evangedi ya boipeho, ho fetela tshomong ya phutheho e busang, ho kgeloha ditaba tse molemo tseo.

⁶⁴ “Mme ka hobane Ke phela, le lona le phela ke hona. Mme Nna ke phela ka ho lona, mme mesebetsi eo Ke e etsang,” Johanne 14:12, “mesebetsi eo Ke e etsang e tla Ntsebahatsa ka ho lona.” Ke Molaetsa o mokakang! Ha ho makatse, re bile le lefatshe le fifetseng la thutabomodimo, empa nakong ya mantsiboya Lesedi le tla tjhaba hape. Ho tla ba le tsoho nakong ya mantsiboya. Lesedi le tla tjhaba nakong ya mantsiboya.

⁶⁵ Jwale, wona motlwang wa nnete wa Molaetsa o hlahisitsweng, ho re, “O tsohile bafung,” rona re leng majalefa a Hae, rona ba nang le kabelo le Yena tsohong, re fola melemo ketsong ena, ka ho pakela lefatshe hore O a phela. Re ka sitwa ho e etsa ka polelo feela. Re ka sitwa ho e etsa ka moetlo o itseng wa motho. Re mpa re hadimisa hantle feela seo re se supang.

⁶⁶ Ke a tshaba kajeno hore bongata ba rona ha bo sa isa batho ho Kreste. Re ba isa kerekeng, mohopolong wa taba. Empa re tshwanetse ho ba isa ho Kreste. Ke Yena feela, homme Yena feela ya nang le Bophelo. “Ya nang le Mora o na le Bophelo.”

⁶⁷ Mme ha bophelo ba motho ya shweleng bo ka entelwa ho wena, o ne o tla phela bona bophelo boo a bo phetseng.

⁶⁸ Ha madi a motho e ne e le a mofuta o itseng, mme o nka madi a tswang ho motho e mong mme o fetolela madi a motho e mong ho a mang, o tla ba le madi a mofuta oo ka nnete.

⁶⁹ Mme ha moyo o ka ho wena o balwa o shwele, mme o tlotsitswe ka Bophelo bo neng bo le ka ho Kreste, bo le hodima

hao! Baroma 8:11 e boletse, "Ha Moya o tsositseng Kreste bafung, o ahile ka ho lona, O tla tsosa le mmele ya lona e shwang," bona Bophelo boo, matla a tshwanang, majalefa a le mang, ao A bileng le wona lefatsheng mona, ho tswa ho Modimo. O o lopolotse, Peo e tsebilweng pele ke Modimo, tseo mabitso a tsona a ngodilweng Bukeng ya Bophelo ya Konyana pele ho thewa lefatshe.

⁷⁰ Mme Lesedi leo la Evangedi la tsoho, thasiselotso ya Lentswe! Re tsebile jwang hoba E ne e le Kreste? Hoba A pakile seo A buileng ka sona. Ke tla tseba Molaetsa wa hora jwang? Modimo o paka seo A se tshepisitseng, mme O bua ka sona. Ke boitsebiso boo, ba hoba re majalefa le Yena mmoho tsohong. O paka seo A buileng ka sona.

⁷¹ Seo A tshepisitseng ho se etsa ka ho Kreste, O se pakile tsohong. Seo A tshepisitseng ho se etsa matsatsing a Moshe, O se pakile. Seo A se tshepisitseng matsatsing a Henoke, O se pakile. Matsatsing wohle a baapostola, O se pakile.

⁷² Jwale tsatsing lena, O paka seo A se buileng, hoba bao ke karolo ya Peo eo e neng e emetswe Bukeng ya Bophelo eo A tletseng ho e lopollela ho Modimo hape. Kgele, ke Molaetsa o mokakang!

⁷³ Hoseng ha Paseka, ha A tsoha feela, empa majalefa a Hae a tsohile le Yena. Yena... Ba ne ba le ka ho Kreste thakgisong. Ba ne ba le ka ho Yena tsohong ya Hae. Re majalefa a Hae, ho phediwa ka mora ho shwa lefifing.

⁷⁴ Lefatshe le ntshofaditsweng la ho se dumele, moo dikereke le diphutheho tse busang, le ba jwalo, ba re huletseng ka ntle. Mme ho na le ntho e tsetselang ka ho rona, "Oho, re batla Modimo! Re lapile re bile re nyoretswe Modimo." Re ikgomahantse le Methodise, Baptise, Pentekonta, Presbeteriene, le eng hape, mme le jwale ho sa na le ntho e phoso, le jwale re sa kgone ho E fumana. Yaba hang-hang, re sa ntse re hlohlotsa lefifing, tsoho e kgolo ya re fihlela ka ponahatso ya Lentswe la Modimo la pallo.

⁷⁵ Jwalo kaha, Yena e ne e le ponahatso ya Lentswe la Modimo la pallo. "Nke ke ka tlohela moywa Hae diheleng, Nke ke ka tlohela Mokhetwa wa Ka hore A bone ho bola." O bonahaditse Hoo, Lentswe ka leng la Modimo le neng le tshepisitswe Yena. O e pakile ha A ne a tsoha hoseng ha Paseka.

⁷⁶ Jwale, bao ba neng ba hlohlotsa lefifing ka nako e nngwe ba phaila hohle, hore na ba ka hlatswa maoto ka tsatsi lena, kapa ha ba ka boloka letsatsi le itseng, kapa ho phetha sehlopha sa melao e itseng, dintho tseo tsohle di fetile. Hoba, ho bile le tsoho e tlottlehang e hanetsang ntho ka nngwe e entsweng ke motho eo motho a kileng a e etsa le ka mohla, morero o mong le o mong o entsweng ke motho.

⁷⁷ Ho fihlela, mohlang oo, ho eso be le motho ya ka beang bophelo ba hae fatshe a ba a bo nyolla hape. O hanetse bopaki ba mahlale boo ba neng ba bo fupere, ka ho tsoha hape.

⁷⁸ Ha ba bua, ba re, "Jesu Kreste ha se yena maobane, kajeno, le ka ho sa feleng," ho re, "Matla a Hae ha a tshwane," ho re, "Evangedi ya Hae ha e tshwane," athe Bibele e re E sa le yona! Modimo o hanetse phutheho e nngwe le e nngwe e hlophilweng, tumelwana ka nngwe, mme Wa haola ka Moya wa Wona o Halalelang, jwaleka ha A tshepisitse, le ho re pakela yona, hore O a phela.

⁷⁹ Re majalefa a tsoho ya Hae, ho phediswa ka mora ho shwa lefatsheng, sebeng le ditlolong. "O re phedisitse jwalo le Yena mmoho, ho tsoswa le Yena, jwale ho dula dibakeng tsa Mahodimo ka ho Kreste Jesu." Ho kgutlisa tsa Hae . . .

⁸⁰ Moya wa Hae o kgutlisetsa Bophelo ba Hae lefatsheng hape. "Ha Moya wa Modimo, o tsotsitseng Kreste," mmele, mmele o tlotsitsweng; ha Moya wa Modimo o tlotsitse mmele oo hoo, mohla Peo eo e ne e wela fatshe, A sa kang a Mo tlohela feela ho phomola mono. Tjhe. A Mo phedisa mme a Mo tsosa. "Wona Moya oo," ka mesebetsi e tshwanang, ka Matla a tshwanang, ka dipontsho tse tshwanang, "o le ka ho lona, O tla le tsosa le lona."

⁸¹ Ke rata ho le balla Lengolonyana mona. Ke rata ha le ka phetla Lengolo le leng leo ke le ngotseng fatshe mona. Le ka le thusa ho se hokae. Le fumanwa Bukeng ya Levitike, kgaolong ya 23, temana ya 9 le ya 11. Mamelang ka hloko. Molaong, molaong wa Levitike, Modimo o bua le Moshe. Mamelang. Dintho tsena tsohle ke dipapiso jwale, mme re tla ema mona nakwana ho kena papisong ena.

JEHOVA a boela a bua le Moshe, a re,

Borella bana ba Iseraele, o re ho bona, Etlare hobane lona . . . kene naheng eo ke le neang yona, . . .

⁸² "Sebakeng seo, boemong, boo Ke le neang bona. Jwale borella bana ba Iseraele, hore etlere ha le fihla sebakeng sena se itseng seo Ke le tshepisitseng ho le isa ho sona, mohla le fihlang mono lefatsheng lena." Jwale mona ho buuwa nameng, ho bapiswa moyeng.

. . . le kotulang masimo (le se le fumane seo Ke le boleletseng ka sona), le tla tlisa ho moprista ngata ya dilopotsiya tsa kotulo ya lona:

O tla tsokoletska ngata ka nqa tsohle pel'a JEHOVA, e tle e dumellwe: moprista o tla e tsokotsa jwalo ka le hlahlamang sabbatha.

⁸³ Ekare ha ho e-na le moetlo o halalelang, e ka kgona o tle ka sabbatha, eo e beng e le tsatsi la bosupa la veke, e leng Moqebelo. Empa na le lemohile, sehopotsong sena, ho e tsokotsa ka tsatsi le galang veke?

⁸⁴ “Ngata, eo e neng e le ya hao ya pele ya peo eo o e lemileng, ha e nyoloha e butswa, o ne o hela ngata o e isa ho moprista. Mme o re a e nke a e tsokotse pel'a Morena, bakeng sa kamohelo ya hao, hore o dumeletswe. O tlisitse ngata ya hao, mme o loketse ho e tsokotsa pel'a Morena, ka . . .”

⁸⁵ E seng ka sabbatha, tsatsi la bosupa; empa ka tsatsi la pele, le re le bitsang Sunday, S-u-n-d-a-y.

⁸⁶ Hoba, leo ke lenseswe la—la se-Roma, le ba ne ba le reile tsatsi la modimo wa letsatsi. Empa kamoo le fetohileng!

⁸⁷ Ha e sa hlola e le s-u-n hape. Ke S-o-n d-a-y, letsatsi la Mora, hore tlhaku eo ya Koro, (Ya pele ya Modimo e tswileng bafung) e ka kgona e tsokotswe hodim'a phutheho, ho bolela ha re le Peo ya Hae; mme eo ke Peo ya pele ho tse robetseng, ho tsokotswa ka tsatsi le qalang veke. Ka Sontaha, A tsoha. Ho hwelha a ba sadisa hantle, le ho nyolohela Hodimo, pontsheng ya batho.

⁸⁸ Lemohang, E ne e le tlhaku ya Modimo ya Koro ya pele e neng e tsositswe bafung, tlhaku ya pele ya Modimo ya Koro. Ka Matla a Modimo a phedisang, Modimo o no o phedisitse bophelo ba Hae, ho Mo tsosa bafung, mme E le Thakangwaha ya bao ba robetseng, Thakangwaha. E ne e le Ngata eo.

⁸⁹ Ke ka hona ba neng ba loketse ho tsokotsa ngata eo, hoba e ne e le ya pele e butswang. Mme e ne e tsokotswa jwaleka sehopotso sa teboho ho Modimo, ka tumelo ya hoba tse ding tsa tsona di tla latela. E ne e le pontsho.

⁹⁰ Mme, kajeno, hoba E ne e le Mora Modimo wa pele ya fihletseng kgolo e phethahetseng, ho kena ho Modimo, O ile a kgaolwa lefatsheng mme a tsokotswa hodim'a batho. Kgele, ke thuto e tlotlehang hakakang! Ka Matla a phedisang, Wa pele! Leha, A ne a—A ne a bapisitswe; mme hangata, jwale ka ha re tla bona hamorao, hore O ne a bapisitswe. Empa ena e le Thakangwaha ya sebele ho bao ba robetseng. O ile a tsokotswa hodim'a Peo ya tshepiso e neng e ena le tshepiso ya Bophelo.

⁹¹ A tsokotswa ka Tsatsi la Pentekosta, “mohla ho theohang Lehodimong modumo o kang ho tsokotswa, moyo o fokang ka sefefo,” mme wa tsokotswa hodim'a batho, batho ba pentekonta ba neng ba nyolohetse Pentekonta, ba lebeletse ho fihla ha Hlohonolofatso.

⁹² Mme ho tla tsokotswa hape, re a eellwa, tsatsing la qetelo, ho latela Luka 17:30, ka letsatsi la Mora hape, “tsatsing leo S-o-n [Mora—Moft.] motho a tla senolwa,” kapa ho tsokotswa hodim'a batho hape.

⁹³ Jwale, Mora motho ke Mang? “Lentswe le ne le le tshimolohong, mme Lentswe le le ho Modimo, mme Lentswe e le Modimo. Mme Lentswe la etswa nama, mme la aha hara rona.” Mme ha thuto yohle eo re e tshwereng, le thusisetso ya

Lentswe la Modimo; ka Lentswe la Modimo, ka dipontsho, ka meeka, re a bona kajeno, hore Bukeng ya—ya Luka mona, eo jwaleka ha re tswa qotsa ho yona, kapa yona—yona Luka kgaolo ya 17 le temana ya 30; le Malakia 4, le Mangolo a fapaneng ao re a tlwaetseng, hore hape Lentswe leo le tsokotswa hodim'a batho, hore meetlo ya motho e shweleng e shwele, mme Mora Modimo o boetse o phela ka kolobetso ya Moya o Halalelang hara rona, mme o re fa Bophelo.

⁹⁴ Jwale ka ha Kreste e ne e le Wa pele ho tsoha, hara baporofeta bohole, le ba jwalo; leha e bapisitswe dibakeng tse ngata, E ne e le Thakangwaha ya bao ba robetseng. Ho Monyaduwa, ho tla ha Kreste, ho tswa kerekeng, eka kgona ho hlahe Ngata e tsokotswang hape matsatsing a qetelo. Oho, banna!

⁹⁵ Ho tsokotswa ha Ngata! Ngata e ne e le eng? Ya pele ho butswa, ya pele e pakang e ne e le koro, e pakileng hore e ne e le ngata.

⁹⁶ Alleluia! Ke a kgolwa le bona seo ke buang ka sona. E ne e tsokotswa hodim'a batho. Mme ho tla fihla kgetlo la pele, ho mongwaha wa Monyaduwa, tsoho tsamaisong e lefifi ya phutheho tse hlophilweng, ho tla ba le Molaetsa, ho bolela ha kgolo e tletseng ya Lentswe e kgutlile hape ka Matla a Lona a tletseng, mme e tsokotswa hodim'a batho, ka mehlolo le meeka e tshwanang le eo A e entseng morao mane.

⁹⁷ “Kahobane Ke phela, le lona le phela ke hona,” o bua le Mosadi wa Hae. “Ka hobane Ke phela, le lona le phela ke hona.” E le tsoho e kakang eo! Mme ena ke tsoho e kakang, ho tsoswa bafung, “ho phediswa ka ho Kreste Jesu,” ka Matla a Modimo a phedisang.

⁹⁸ O ile a tsokoletswa bona. Lentswe, etswe Yena e ne e le lona, A tsokoletswa bona hape ka Tsatsi la Pentekosta, Lentswe le bonahaditsweng. Jwale, homme ke re, Le loketse ho tsokotswa hape tsatsing la qetelo. Jwale, ho tea mohlala . . .

⁹⁹ O re, “Tjhe, jwale, be butle, Moena Branham. Ke tseba kereke e . . .” Tjhe, le nna, hape. Le a bona?

¹⁰⁰ Empa jwale, ho tea mohlala, ho ka thweng hola—hola re ne re kgutlala Tucson thapameng ena, jwale, mme e mong le e mong wa rona a ena le . . . a ne a e ya ka—ka Cadillac e kgolo, e ntjha-ntjha? Mme ditulo tsohle di entswe ka—ka letlalo la kgama, letlalo le bonolo ka ho fetisia, le bonolo le bile le le mabothobotho ho dula ho lona; mme le diboto tsa fuluru di le majabajaba; setiring se manehilwe ka nikeler se bile se na le dikonopo tsa taemane hohle hodim'a sona; mme enjene e hlahlobilwe ka mechini e le enjene e lokileng hantle; le mabidi a le . . . wohle a e-na le dibering mme di tlotswe ka kerisi; mme ditaere di sireleditswe ho phunyeheng le ho phatloheng; mme tsohle di lekotswe ho latela mahlale.

¹⁰¹ Bobedi ba tsona di teilwe di bopilwe ka boqhetseke sepha ka seng, bobedi ba tsona, mme bobedi ba tsona di tlatsitswe mafura. Ke matla a mathisang ao, mafura, hoba a na le okteine [dibeso—Moft.] ho ona. Empa jwale ha o di dumisa, leha bobedi ba tsona di shebeha di tshwana, empa ho na le e nngwe ho tsona e se nang tlhase ya letho, matla a tjebang.

¹⁰² “Tjhe,” o re, “matla a ka hara mafura, Moena Branham.” Empa ha ke tsotelle ho na le matla a makae mafureng; ha hlase e le siyo mono ho bonahatsa matla ao, ha matla a le siyo mono ho tiisa hoba hoo ke mafura, e ka nna ya ba metsi. Ho fihlela . . .

¹⁰³ Ho sa tsotelehe baithuti ba thutabomodimo ba bolela ha kakang, le hlophisitse kereke tsa lona hantle ha kakang, le na le thuto e kae, le bapa le Bibele ha kakang; pele Ngata eo e tsokotswang, pele Moya o Halalelang o theohela hodima motho eo ho phedisa Lentswe leo! Mafura a emetse Lentswe. Ke Nnene; empa, ha Moya o le siyo, E ke ke ya tsamaya.

¹⁰⁴ Re ile ra toboketsa haholo hodim'a Dihlomo tsa mochini mme le letho hodim'a Matla. E hloka Matla a maholo a Modimo, Matla a tsoho a Jesu Kreste hodim'a Kereke, ho bonahatsa le ho hlakisa ha *Hona* e le mafura. E ka ba ka hara kgamelo ya mafura; e ntse e le metsi, le a bona. Empa bopaki bo le bong feela ba yona, ke hore, bea Bophelo bona hodim'a yona, mme Bo tla paka hoba ke mafura kapa tjhe.

¹⁰⁵ Mme ha o leka ho bea Moya o Halalelang hodim'a phutheho e hlophilweng, o mpa o leka feela ho . . . O ka fumana modumo o holoketsang; o tla itshenyetsa enjene, ka ho e tlatsa khabone [mosidi—Moft].

¹⁰⁶ Empa, kgele, ke thabetse ha ho e-na le Matla a okteine e etsang dikete tse leshome, Lentswe la Modimo le Moya o Halalelang ho Le hotetsa, le ho tsosa Matla a Modimo bophelong ba monna, kapa bophelong ba mosadi, kapa ka hara kereke. A sutuleditseng Cadillac eo mono tlase tseleng, tlasa Matla a maholo a Moya o Halalelang a kgutlileng mme a tsokotswa hodim'a batho ka Tsatsi la Pentekonta, ho Mo etsa yena maobane, kajeno, le ka ho sa feleng.

¹⁰⁷ Ke eo Ngata ya pele e nyolohileng e tsoa hara baporofeta bohole, eo e neng e le Mora Modimo, Morena wa baporofeta bohole.

¹⁰⁸ Ho bile le dikereke, dikereke, banyaduwa, banyaduwa, dikereke, banyaduwa, banyaduwa.

¹⁰⁹ Empa e Mong o tlamehile ho tla! Alleluia! Monyaduwa wa makgonthe o tlamehile ho tla! Ho tlamehile ho tla e Mong ya sa tshwarang Dihlomo feela, empa Matla a Eona, ho phedisa Kereke eo, ho tsamaya ka Matla a tsoho ya Hae. Pele re fihla sebakeng seo, pele re fumana sebaka seo, ho bentsha diase ho

thusa'ng? Ho e ntlaufatsa ho thusa'ng kapa mosebetsi wa menyetla ya borapedi, ha Matla a le siyo ho yona? Ho sa tsotele Dihlomo di shebeha di lokile hakae, Matla a E tsamisang a loketse ho ba teng.

¹¹⁰ Ke seo A se pakileng! Alleluia! Ke seo Paseka e se pakileng. E ne e se Lentswe feela, empa E ne e le Modimo ka bo-Yena, Matla, a Lentsweng. A entseng hore mmele wa Jesu Kreste (o batang, o sataletseng, le o shweleng, lebitleng) o kgohlopehe o kene Bophelong le ho tsoha hape, le ho phikolosa lejwe. "Ke Nna ya na be a shwele," ho shwa hoo letsatsi le bileng la re O ne a shwele, kgwedi ya re O ne a shwele, dinaledi tsa re O ne a shwele. Tlhaho yohle ya re O ne a shwele. Mme jwale lefatshe lohle le tshwanetse ho ellwa hobane O phela hape. E ne e se Dihlomo tsa mochini feela, Lentswe la Modimo, E ne e le Matla ho Le paka.

¹¹¹ Mme Yena, erekha ha E le Monyadi, Monyaduwa o tshwanetse ho hlahella, hoba Ke karolo ya Hae. Mme E ka ba feelsa ponahatso ya phethahatso ya ditshenolo tsohle tseo ba bang ba buileng ka tsona ka Monyaduwa; Le ka bonahatsa feela. Ha le etsa ntho e nngwe e fapaneng le Monyadi, ha se Monyaduwa. Hobane, Ke nama ya nama ya Hae, lesapo la lesapo la Hae; Bophelo ba Bophelo ba Hae, Matla a Matla a Hae! Mosadi ke Yena! Jwale ka ha monna le mosadi ba le bang, le mosadi a ntshitswe lehlakoreng la hae; Eo, o amohela Moya, Moya wa botshehadi, o tsoang ho Yena. Nama e tswang lehlakoreng la Hae, ho bopilwe Dihlomo tsa mochini le Matla mmoho, Mosali. Moya wa Hae le nama ya Hae, le ho di kopanya, le ho etsa Dihlomo le Matla. Ho fihlela kereke kapa batho...

¹¹² Mahe ana ohle a Paseka, le diboka, le dikereke tse kgolo, le makgabane, di tla hlolleha di be di fete.

¹¹³ Ho fihlela Kereke eo e fetoha Matla le Dihlomo mmoho; le Moya wa Modimo, o nong o Mo tsamaisa, ho etsa dintho tseo A di entseng! Ha eba A ne a hula ka dipistine tse leshome le metso e tsheletseng, le Monyaduwa o tla etsa jwalo. Amen! Hoba O boletse, ho Johanne 14:12, "Ya dumelang ho Nna, mesebetsi eo Ke e etsang o tla e etsa le yena. Ke tla mo abela Matla a Ka, Dihlomong tsa hae, hoo lefatshe le tla sitwa ho ema kgahlano le yona; mme Nna ke tla mo tsosa hape tsatsing la qetelo." Ke Molaetsa wa Paseka oo, Matla le Dihlomo, hammoho! Dihlomo ntla le Matla, ha di na thuso; ho jwalo le ka Matla, a se nang Dihlomo.

¹¹⁴ O ka meketsa wa hweletsa, wa qhomela hodimo le tlasse, sohle seo o batlang ho se etsa, mme wa latola Lentswe lena, ho ke ke ha thusa letho. O mpa o sotha di-dipistine feela tsa... Ho na le tlhase e hotetsang mono, empa ha ho mafura a hotelang.

¹¹⁵ E tla sebetsa ha feela di kopana mmoho. Amen! Ka baka leo, e mong o tla dula a thotse, mme e Mong o tla nyolohela hodimo. Ke yona feela ntho e leng teng mono. Leha, bobedi di ka shebeha di tshwana, bobedi bo ipolela e le dikereke, bobedi bo ipolela e le Monyaduwa. Empa e Mong o na le Dihlomo *le* Matla, A e phethahatsa, seo A itseng ke Nnete.

¹¹⁶ Feel a ke ke ya tsamaya, ho sa tsotelehe Dihlomo di lokile hakakang, pele Matla a fihla. Ha Matla a fihla, Mollo oo o etseditswe ho ngomelana le okteine eo e ka hara mafura. Mme ha Ntho eo e qhoma, e a tukisa, mme ho tuka hoo ho tsamaisa kgato ka nngwe, kgato e nngwe le e nngwe, hoba esale Yena maobane, kajeno, le ka ho sa feleng. Ke tsoho eo. Ke Matla a nnete a Modimo ao, Dihlomo mmoho le Matla. Lemohang, “Ke Moya o phedisang.” Ke—ke Tlhase e hotetsang. Ha se gase e hotetsang; ke Tlhase e hotetsang gase. Le a bona?

¹¹⁷ “Le ka sitwa ho etsa letho ha Ke le siyo; empa ha Ke le teng le ka etsa dintho tsohle.” Ereka ha E le Lentswe, Ke Ntate ya phelang. “Ntate a Nthomile, le Nna ke le roma jwalo. Jwale ka ha Ntate a Nkhoteditse a ba a Ntshutuletsa nthong e nngwe le e nngwe, Ke etsa ho kgahlisang Modimo feela. Jwale, jwale ka ha A Nthomile, le Nna ke le roma jwalo ka Dihlomo tse tshwanang, mme ho hlokeha Matla a tshwanang ho E tsamaisa. Mme mehlolo ena e tla tsamaya le ba bolelang hore ba na le Dihlomo. Matla a tla nka sebaka sa Wona.”

¹¹⁸ Pauluse o boletse, “Evangedi ha e a tla ho rona ka Polelo feela,” ka mafura feela, “empa le ka Tlhase hape,” ho E tsamaisa. Ke moo he. E tlide ho rona ka tsela eo.

¹¹⁹ Ke wona Moya, o Mo tsositseng, o ileng wa phedisetsa modumedi wa makgonthe Bophelong bo sa Feleng. Jwale le hopole, hantle-ntle... Jwale hlokamelang, kaha nako ya rona e ntse e re siya. Lemohang, “wona Moya oo,” jwale, Baroma 8:1. Jwale a re le baleng hape, ho Baroma 8:1, mme re bone le reng. Ho lokile. Le hona ha se Baroma... Ke bolela, 8:11, ke maswabi.

¹²⁰ Ho Baroma 8:11, “Empa ha...” Bothata ke boo. Ntlha ya Hae ke eo.

Mme ha Moya wa ya (Modimo, Moya o Halalelang)
tsositseng Jesu bafung o ahile ka ho lona,...

¹²¹ Jwale, ke moo he, “Ha Moya wa Monyadi o ahile ka ho Monyaduwa!”

¹²² Mohla Modimo o no o bopa monyadi wa Hae wa pele, O bopile monyadi pele, mme e le monna le mosadi mmoho, moyeng; wa mo etsa ka lerole la lefatshe, ho mo etsa ntho e angwang. Mme le lemohe mohla A ne a bopa Eva, ho tswa ho Adama, ha A ka a nka kgwabi e nngwe ya letsopa, A ngwatha kgwabing yona eo ya letsopa; Lentswe le tshwanang, hoba Adama e ne e le Lentswe le builweng. Le a bona? A ngwatha ho

yena, yaba o ntsha...A ena le moya wa botona le wa botshehadi. Mme O tlosa moya wa botshehadi ho Adama, mme a o bea ho Eva; ka hona e sa ntse e le karolo ya moya wa Adama, ke nama ya Adama. Ha ho le jwalo, moya wa Adama, matla, ke wona o ileng wa tsosa dihromo tsa mmele wa hae.

¹²³ Ka baka leo Monyaduwa le yena o tshwanetse ho fetoha nama ya nama ya Hae, le lesapo la lesapo la Hae. Ebe nama e shwang ee e ka fetoha nama ya Hae jwang? Re tla kena teng motsotsong, le a bona. E etswa jwang? Jwang? Phethoho e kgolo ena ke eng? Lemohang.

Jwale mme ha Moya wa (Modimo) ya tsositseng Jesu bafung o ahile ka ho lona, ya tsositseng Kreste bafung o tla phedisa le mmele ya lona e shwang ka Moya wa hae o ahileng ka ho lona.

¹²⁴ Oho, kgele! Ya rerilweng pele, ehlile, jwalo kaha Peo e ne e robetse mobung, E neng ena le Bophelo ka ho tsona. Bongata ba tsona di ne di shwele; e le peo e bodileng feela; di tjhesitswe ke metsi le dintho. Empa, le a tseba, ho no ho ena le Peo e robetseng mono e itokiseditse Bophelo. Modimo o tsebile E ne e robetse mono.

¹²⁵ Jwale, Bao ba rerilweng pele ke ba pele ho phediswa ke Moya o Halalelang, hoba Moya o Halalelang o tlela ho tseka ba Wona ka Sebele. Jwale, taba ena e tebile jwale, mme le etse bonneta ba ho e tshwara hantle.

¹²⁶ Jwale, jwaleka ha letsatsi le rometswe bophareng ba lefatshe, e seng ho tsosetsa majwe, athe le wona e ne e le lerole, bophelong, e ne e se ho phedisa lerole lohle, empa e le ho hlahisa karolo ya mobu e neng e haeleditse e kwahetse bophelo.

¹²⁷ Ha se batho bohole ba tla amohela Kreste. Oho, tjhe. Empa bao Modimo o ba kgethetseng Bophelo e sa le pele, ba haeleditswe ke karolwana e itseng ya lerole la lefatshe, ke bona Eona eo A tletseng ho e phedisa. Ke bona Bao.

¹²⁸ Hoo, jwale, lerole leo le ka robala mono letsatsing, mme le re, “Kgele, letsatsi lena la kgale ha le tjhese lekgale!” Lejwe leo, le re, “Letsatsi lena la kgale ha le tjhese lekgale!” Empa peo e nyenyane eo, e re, “Ke seo ke se batlang,” mme e qalelle ho rutlolohela bophelong. Le phedisitse karolo eo ya lerole. Hobane, letsatsi ha le a romelwa ho phedisa lejwe, e seng ho phedisa lerole, empa ho phedisa bophelo ba peo.

¹²⁹ Jwale, Moya o Halalelang o a tla jwale. Ehlile, O no o sa romellwa... Hobaneng batho bohole ba sa tlo O amohela? O ne o sa romellwa bona.

¹³⁰ Thaka le leng le ne le re ho nna, “Ha ke dumele. Ha ke kgathale o ka reng. Leha o ka tsosa bafu, kapa ntho efe feela, wa fodisa bakudi; mme wa E paka, ka tsela efe; ke sa ntse ke sa E dumele.”

¹³¹ Ka re, “Ehlile ho ke ke ha kgonahala. O mohetene. Ha e bolele letho ho wena. E ne e sa romellwa wena le hona. E ne e rometswe bao ba tla dumela.”

¹³² Molaetsa o lebisitswe ho modumedi. Ho ba timelang, Ke bohlanya; empa ho ba leng ka ho Kreste, mme e le karolo ya Peo eo, Ke Bophelo.

¹³³ Palenyana ya ka e kgohlahetseng ka mopolasi ya alamisang lehe, kapa lehe la ntsu tlasa khoho. Le a bona? Ntsunyana eo, ruri, e le—e le sebopuwa se shebehang se ileha, se se nyenyane. Hoba mopolasi enwa a qete seo a se entseng, ho kenya lehe lena la ntsu tlasa sethojana sena sa khale. Mme sa qhotsa tsuonyana e makatsang, mme e le—e le thakanyana, le ilehang. E sa tshwane le tsona. Masiba a eona a sa tshwane le a tsona, mme e—e feela . . . E le lethakanyana, le mokgelo. Mme ditsuonyana tse ding tsona di mo nka e le thaka le mokgelo. Mme sethole sa potela . . .

¹³⁴ E sa rate le dijo tseo se neng se e fepa tsona. E sa rate mofato oo jareteng ya modiko. Yona, e sa amane le hono ka letho. Ka baka leo ya ipotsa hobaneng e loketse ho kgeseha tikolohong eo, le hona. Le a bona? Mme e sa latswe letho le . . . E ja ho lekaneng feela ho e phedisa, hoba e ne e sa rate tatso ya sona, le a bona. Hoba, e ne e se tsuonyana, le ho qaleng. Le a bona?

¹³⁵ Mme se—sethole se ne se kakatletsa, mme, le a tseba, “Matsatsi a mehlolo a fetile. Ha ho ntho e kang eo. Ingodise kerekeng.” Taba eo e sa dule hantle, thakeng lena. Ka baka leo ya latela sethole sena ho fihlela tsatsi le leng mma yona . . .

¹³⁶ Ntsu ya kgale ya tseba e ne e qhotsitse mahe a makana, mme le leng le haella. Ya tseba hoba ntsu eo e ne e le teng kae-kae, ka baka leo ya qalella ho tsomana le yona. Mme ya dikoloha tsullung ya thaba, le tlase diphuleng, le hodimo hohle moo e ka bang teng. Lekhatheng lena, yona, ke nako ya hore e hlahe. Ke nako ya hore e qhotswe. Ho re, “Mohlomong lekgwaba le kene la nka lehe la ka; mohlomong lenong. Ha ke tsebe. Ho na le ntho e nkileng lehe la ka. Empa ke a tseba . . . Lehe le dutse kelellong ya ka. Ke na le mora kae-kae. Ke loketse ho ya mo tsoma.”

¹³⁷ Le Modimo o etsa jwalo. Ke Ntsu e Kgolo eo. Mehopolong ya Hae A tseba hoba O tla ba le Kereke. A tseba hobane o tla ba le batho. Ho sa tsotele ba sikarilwe ke eng, ho sa tsotelehe ba qhotseditswe tlasa eng, O ntse a tsoma. O tsomana le ba Hae ka Sebele.

¹³⁸ Mme ka tsatsi le leng, pale e qhobeha jwana, ntsu ena ya kgale e ile ya fofa hodima jarete ya modiko. E ne e sheba hohle, mme ya mo fumana. Kgele, tsoho e kaalo, ho elellwa ruri hoba e ne e se tsuonyana, le hona. E ne e le ntsu! Mme e ne e rutilwe ho sheba fatshe kamehla, ho batlana le kokonyana kapa ntho e nngwe ka hara modiko. Empa ya utlwa mohweletso, o reng,

“Sheba hodimo ngeng *ena*!” Mme ya sheba hodim’ a yona, mme ho e-na le sebopuwa se mapheo a maoto a leshome le metso e mene, se matla ho feta dikgoho tsohle tse neng di le jareteng ya modiko, mme ya mo tlaleha e le mora wa yona.

Ya re, “Mama, nka o fihlella jwang?”

¹³⁹ Ho re, “Qhoma feela, qalella o pheule mapheyo a hao, o ntsu.”

¹⁴⁰ Le a bona, e tsebile e ne e ena le mora sebakeng se seng. Ho sa tsotellehe e hodiseditswe ka hara eng, e na le mora sebakeng se seng.

¹⁴¹ Mme Modimo o a tseba! Alleluia! O na le Kereke e rerilweng pele, e kgethiliheng pele! O tsebile O na le bara le baradi, le Monyaduwa, ya emeng kae-kae; ha Moya o Halalelang o qalella ho fofa hodim’ a yona, Ngata eo e tsokotswang. Oho, banna! E sa le Yena maobane, kajeno, le ka ho sa feleng. E seng pale e itseng ya khopolotaba, empa nnete!

¹⁴² Ho sa tsotellehe ke ba bakae ba lekileng ho re ho yona, “ntsu,” e ne e sa tsebe seo ntsu e ne e le sona. Leha ho le jwalo, e ne e le ntsu. E ka be e sa utlwisisa hola e sa bona ntho e tshwanang le eona, eo a e tshwantshitseng, ke rialo.

¹⁴³ Mme ha re bona, e seng phutheho e busang, e seng Ph.D., e seng LLD., e seng moahelani ya lokileng; empa mora wa Modimo ya bopetsweng sethwantshong sa Modimo, ka Matla a maholo a Modimo ho arabela tlhoko ya letsatsi lena, hore e sa le Yena maobane, kajeno, le ka ho sa feleng, ha ho sethole se ka o thibelang. E tsomana le Mama wa eona. Ke ntsu, le ho qaleng. E a elellwa. Ntsu ena ya sebele e elellwa pitso ya Lentswe la Modimo. Hobaneng? Ke ntsu. Ntsu ntsung! Lentswe pele ho motheo, Lentswe Lentsweng! Lentswe, le rerilweng pele, ho Lentswe le ngoletsweng hora. O elellwa sebaka sa hao. O tsomana le Lona.

¹⁴⁴ Yaba hona, mmele ona wa lefatshe, o a phediswa mme o behwa tlasa kutlo ya Lentswe la Modimo ke Moya o phedisang wa Modimo.

¹⁴⁵ Ka potlako. Yare ha e batla ho tseba kamoo e ka mo fihlelang mono, e ne e rutilwe hore e ka sitwa ho etsa jwalo. “O ke ke wa phahamela hodimo ho feta kamoo o ka qhomang.” Ke kgoho. Le a bona?

Empa ntsu ena ya re, “Ha ho jwalo.”

“Tjhe, sheba dikgoho!”

¹⁴⁶ “Ho sa tsotellehe seo dikgoho di leng sona, wena o ntsu. Qala feela o phuthulle dipheyo tseo, mme o a hlakise ho se hokae. Qala o nyolohele hodimo!”

¹⁴⁷ Lentswe ho Lentswe! “Mesebetsi eo Ke e etsang le tla e etsa le lona. Ya dumelang ho Nna, mesebetsi eo Ke etsang o tla

e etsa le yena.” Le a bona? “Ka hobane Ke phela, le yena o phela ke hona.” “Mme ha Moya o Mo tsositseng bafung o ahile ka ho lona, O phedisa mmele wa lona o shwang.” Le a bona?

¹⁴⁸ E etsa’ng? Jwale mamelang, le tle le tsebe. Mme Paseka ena, ke batla e be le moevelo o fetang oo Paseka efe feela e kileng ya ba le wona ho lona. Le a bona? Ke batla le e bone. Re tseba seo O Mo etseditseng sona; empa ke batla le e bone, e seng e tla, O se o le etseditse yona ntho eo. Le a bona? O etsa’ng? O phedisa mmele o shwang. Mmele ona o shwang oo re phelang ho wona, O a o tsosa, ka mantswe a mang, ho o fa Bophelo.

¹⁴⁹ Jwale, lona bao pele le ne le tsamaya ka sikara molomong wa lona, le ntho e nngwe le e nngwe, kapa qubu ya disakrete; le lona basadi bao ka nako e nngwe moriri wa lona o ne o le mokgutshwane, ho ferefuwa, le itshwere jwalo, le apara dishoto, le dintho tse kang tseo; hang feela, Ntho ya hlaba mokgosi, mme le sheba fatshe mona mme keha E le Lentswe. Le a bona, Wa phedisa... Wa re, “Ha ke sa batla dishoto, ha ke sa batla tahi, leshano la letho, ho utswa ha letho, letho la *sena, sane*.” Le a bona? Moya o Mo tsositseng bafung, o ahile ka ho lona, o tla bea le mebele ya lona e shwang, lerole la lefatshe, taolong. Le a bona? Ke eng? Kutlong ya eng? Kreste. Kreste ke mang? Lentswe. E seng thutabomodimo, empa Lentswe!

¹⁵⁰ Ebe le re, ho re, “Dintho tsena, oho, ke nahana ho itoketse ho basadi ho tena marikgwe.”

¹⁵¹ Hodima, Lentswe le itse, “Che.” O a bona, Le o tsosetsa Mono. O a bona? O hulelwa ho Lona. O a bona, ke wena, he. E fetoha... O fetoha karolo ya Lentswe. O beile mmele wa hao, e seng...

¹⁵² Tjhe, o re, “Be, jwale, e re ke o bolelle taba. Moruti wa ka...” Ha ke tsotelle seo moruti wa hao a se boletseng; ke seo Lentswe le se buang! Ha o batla ho ba kgoho, o ka itsamaela le bona. Empa ha moruti a bua kgahlano le Lentswe lena, e tla be e se mofepi wa dintsu; ah-hah, ke mofepi wa dikgoho, o a bona, e seng wa dintsu. O a bona? Ntsu e ja Dijo tsa dintsu. O a bona? O a phedisa!

¹⁵³ Bibele e boletse ha ho le phoso ho etsa hono, mme wena monna le lona ba bang ntho yohle eo le e etsang, e phoso. Ho re, “Matsatsi a mehlolo a fetile.” Bibele e itse e sa le Yena maobane, kajeno, le ka ho sa feleng. Ha ba re, “Hoo ke malepa a ho bala mohopolo. Mme ke bokhoni ba ho bala kelello, temoho ena ya meya. Mme dipono tsena tsohle le dintho, ke mepoto,” le a bona, ke dikgoho. Ha di tsebe seo Dijo tsa ntsu di leng sona.

¹⁵⁴ Empa, moena, ha o utlwa mokgosi oo, ho na le Ntho e nngwe ka ho wena! O ntsu, le ho qaleng. Hobaneng? O Peo eo,e

reng tsoho ya S-o-n [Mora—Moft.] e tjhabile, le hore Ngata e tsokotswang e hodim'a lefatshe, ho o lemosa ha o le ntsu mme e sang kgoho ya phutheho e busang. O a bona? Haa!

¹⁵⁵ “Ha Moya o Mo tsositseng bafung,” Lentswe, Matla a Lentswe, “o ahile ho lona, O phedisa mmele ya lona e shwang.” Jwale re nama ya nama ya Hae le lesapo la lesapo la Hae jwang? Hobane, ka potlako, ha re sa le baetsadibe ba shwang, ba shwang, re le makgatheng a ho shwa, mebele ena, O tsosa mmele oo. Ho *tsosa* ke eng? “Ho Phedisa.” Moya oo ka nako e nngwe o ne o rata ho nwa, ho hlwahlwaela hohle, ho feba, le dintho tsena tsohle, o tsositswe; kgele, ntho eo e shwele, mme o tsositswe. O phedisa mmele wa hao o shwang.

¹⁵⁶ Ha ho le jwalo, mebele ya lona ke tempele ya Matla, hoba (hobaneng?) ho tloha tshimolohong o karolo ya Dihlomo tsa machini. Oho! Tsoho ya lona ke eo. Ke eo Kereke e keneng tsohong, le Yena. Mebele ena hantle hona jwale e phedisitswe. Le a bona, o utlwile; o a dumela. O o fetotse ho tloha phuthehong ya mokgatlo ho ya Lentsweng. O a bona?

¹⁵⁷ Matla, ha A fihla hodima metsi, a tla tshwela feela; “Matsatsi a mehlolo a fetile.” Pomp-pomp-pomp, “Oho, ke dumela Bibele,” pomp-pomp-pomp, “empa ha ho—ha ho letho la . . .” Pomp-pomp-pomp! Le a bona?

¹⁵⁸ Empa ha A thulana le okteine eo ya sekete se le seng, “Whrrrrr,” ke eo e tloha, le a bona. Jwang, kgele, Matla a kgahlola ntho Eo! Empa ha A otla kgoho, ho ke ke ha thusa letho. Empa ha A otla ntsu, e tswa e tsamaya. Amen! Matla mmoho le Dihlomo! Le bona seo ke se bolelang? Ke ho re, ha e le ntsu ya makgonthe jwale, o tla “utlwisia.”

¹⁵⁹ Nke ke le otollele Lengolonyana mona. Ke a kgolwa re kgaohile mohaleng, empa re sa ntse re le teng mona. Mohalaledi Johanne 5:24, Jesu o boletse, “Ya utlwang Lentswe la Ka, mme a dumela ho Ya Nthomileng, o na le Bophelo bo sa kgutleng.” Jwale le shebe, ha ke theoha ka seterata mme ke nka ntho eo ka tlwaelo feela, seo Le leng sona, ntle le kutlwisiso ya moya . . . Ke sa Le etse hore le bue letho le sele, ha e se ho bua seo Le se bolelang, le a bona, lenseswe le nepileng mono, ka se-Gerike, sa mantlha, le re, “Ya utlwisisang Lentswe la Ka.”

¹⁶⁰ Jwale, ho paka hore hoo ho lokile. Ha ke theoha mona, mme letawa ke lena le tla ka seterata, homme a tshwere mosadi wa motho e mong diphakeng tsa hae, mme a hlapanya, a tlaela ka Lebitso la Modimo, le ntho e nngwe le e nngwe ka tsela eo. “Be, na o utlwile se boletsweng ke moreri eo? O utlwile?” “Eya, ke Le utlwile!” Hoo ha ho bolele hoba o na le Bophelo bo sa Feleng. Le a bona? Le a bona?

“Ya utlwisisang Lentswe la Ka,” eo e leng ntsu!

¹⁶¹ “Jwale, Moena Branham, ke batla Lengolo le fetang mono.”

¹⁶² Ho lokile, “Dinku tsa Ka di utlwa Lentswe la Ka. Osele di ke ke tsa mo latela.”

¹⁶³ Jwale ka tabeng ya *Lenyalo Le Hlalo*, tsatsi le leng. Mohla Moya o Halalelang o no mpoleletse hono, ka tla ka e bolela kamoo A mpoleletseng kateng.

¹⁶⁴ Moruti e mong wa mosadi a hla a nkgalema, ka mabifi. A re, “Ekare o nka sebaka sa Modimo?”

Ka re, “Tjhe, mofumahadi.”

¹⁶⁵ Ho re, “Be, o itse dibe tsa bona di tshwaretswe.” Ho re, “Kae?” Ho re, “Ke Modimo feela o nang le matla.” Le a bona, Mofarisi e mong. Le a bona? . . . ? . . .

¹⁶⁶ Ka re, “O a bona, hore o tlo o tsebe, hore, Jesu o laetse Petrose le baapostola, hoba a fumane tshenolo ya hore E ne e le Mang.”

A re ho Yena, “O Kreste, Mora Modimo.”

¹⁶⁷ A re, “O lehlohonolo,” o a bona, “wena mora Jona; nama le madi ha di a o senolela Hona, empa Ntate ya Lehodimong o senoletse Yona. Hodim’ a lejwe lena Ke tla haha Kereke ya Ka; dikgoro tsa dihele di ke ke tsa E hlola. Mme Ke o fa dinotlolo; seo o se tlamang lefatsheng, Ke tla se tlama Lehodimong; seo o lokollang lefatsheng . . .”

¹⁶⁸ Eo ke tshenolo e Halalelang ya Lentswe le entsweng nama. Efela ha E ne e le nama tsatsing leo ka Mora, Monyadi, Ke nama kajeno ka Monyaduwa. Le a bona? “Bao le ba tshwarelang dibe, ba tla di tshwarelw; bao le ba ballang dibe, ba tla di ballwa.”

¹⁶⁹ Jwale, kereke ya Katolike e nkile taba eo ya e maneha hodima baprista ba bona, empa ke mohopolo wa nama.

¹⁷⁰ Hlokomelang, e ne e le Lentswe la moya, le senotsweng le entseng hoo!

¹⁷¹ Ke ka hona A ba laetseng ho ya kolobetsa ka “Lebitso” la Ntate, Mora, Moya o Halalelang. A tseba hore ba tsebile E ne e le Mang.

¹⁷² Ha ke qoqa le moreri e monyenyan tsatsi le leng, a re ho nna, a re, “Jwale, Moena Branham, ke ile ka tswa mme ka ingodisa, ka ya kerekeng ya *hore-le-hore*, kereke ya Pentekosta.”

¹⁷³ Moo, Pentekosta jwale e se e qadile ho ja bohojana bo kgidikwe, le a tseba. Le e utlwile, ke a kgolwa; kosha, modimo wa kgwedi, le a tseba. Mme bohole ba bo amohela ba ba ba bo ja. Monna enwa a re . . . Phutheho ya hae—ya hae e ile ya tla ho yena; a re, “Seo ke se hlohonolofatsang se hlohonolofetse.”

Jwale, na ha se yona ntho eo moprista a e buang na, yena “o na le matla a ho bo fetolela hommele wa Kreste”? Le a bona, ke mokopu o patsotsoeng kalehare, e tshwana feela.

¹⁷⁴ Mme o re, “Ke batla ho o botsa taba.” A leka ho kwekwetla tlhahiso ya kolobetso Lebitsong la Jesu, hoba enwa e ne e le monna ya itseng antikreste e ne e le—e ne e le yena ya entseng hono. A re, “O hopola ho hlokahala ho motho ho kolobetswa ka Lebitso la Jesu Kreste?”

Ka re, “E, monghadi.”

¹⁷⁵ A re, “Ka mora hoba a kolobetswe ka lebitso la ‘Ntate, Mora, le Moya o Halalelang’?”

¹⁷⁶ Ka re, “E, monghadi. Ha a kolobetswa, ho hang. O a bona? Ha a kolobetswa, ho hang; ha ho Lebitso. Ke leemedi la lebitso leo.” Ka re, “Ha e nkelwe hlohong.” Ka re, “Hobaneng—hobaneng ha Petrose . . .”

¹⁷⁷ A re, “Ho lokile, jwale, e re ke o bolelle taba.” A re, “Jwale, ho Diketso 10:49, a re, ‘Yare Petrose a sa bolela mantswe ana, Moya o Halalelang wa tsholohela hodim’ a bona.’”

¹⁷⁸ “Empa,” ka re, “o ile a fetoha hantle a re, ‘Na motho a ka hanela batho bana ho kolobetswa?’”

¹⁷⁹ A re, “Be, o no o bua mono, nakwaneng e fetileng, ka Diketso 19, moo Pauluse a haotseng mabopong a hodimo a Efese, a fihlela barutuwa bao.” Mme a re, “Khele,” ho re, “ba ne ba sa kolobetswa ka Lebitso la Ntate, Mora, le Moya o Halalelang.”

¹⁸⁰ Ka re, “Tjhe, ba ne ba kolobeleditswe ‘pakong,’ e seng tshwarelong ya dibe. ‘Pakong,’ hoba Jesu a ne a eso tsebahatswe. Sehlabelo se eso hlajwe.”

A re, “Tjhe, hobaneng ba ne ba loketse ho kolobetswa hape?”

¹⁸¹ Ka re, “Monna ya na tshwere dinotlolo, o boletse sena, ‘Ho ke ho tsejwe ke hona hobane ha ho Lebitso le leng tlasa Lehodimo le filweng batho, ba tshwanetseng ho bolokwa ke lona.’”

¹⁸² Pholoho e Lebitsong la Jesu Kreste feela. “Seo le se etsang ka ho bua kapa ka ho sebetsa, le se etse ka Lebitso la Jesu Kreste.” Ha ho lebitso le leng, ha ho kereke, ha ho boholo, ha ho maemedi, kapa letho le sele! Leha ho le jwalo, Yena ke Rose ya Sarone, Mohaladitwe wa Phula, Naledi ya Meso, Alfa, Omega, Qalo le Qetelo, Jehova-jire,-rapha,-manase, tsena tsohle. Yena ke dintho tsena tsohle, empa leha ho le jwalo Yena ke . . . Pholoso ha e yo ho lefe feela la maemedi ao; *Jehova*, ha ho pholoso; *Rose ya Sarone*, leha E le yona, ha ho pholoso; *Ntate, Mora*, kapa *Moya o Halalelang*, ha ho pholoso. Ke Lebitsong la “Jesu Kreste” feela! Mme hape Bibele e boletse,

ho re, "Pako le tshwarelo ya sebe e ka kgona e rutwe ka Lebitso la Hae, ho qala Jerusalema, le ho isa dipheletsong tsa lefatshe."

A re, "O nahana e etsa phapang ya letho?"

¹⁸³ Ka re, "Monghadi, ke batla ho o botsa ntho e nngwe." Nna le yena, le mosadi wa ka, re dutse tafoleng. A fetoha feela, . . . ? . . . Ka re, "Bobedi ba rona re ma-Arizona; re ahile mona. Mme nna, mme re tseba lekgotla la rona, le lebatowa la rona, le tsohle, le ramotse wa rona, mogoforonoro, ntho e nngwe le e nngwe."

A re, "E."

¹⁸⁴ Ka re, "Jwale, ha nka o laela, moena, ho, 'Tsamaya o saenele tinare ya rona, ka lebitso la Mogoforonoro wa Naha ya Arizona,' o no o tla ya le saena jwalo na? O nahana ba ne ba tla e amohela desekeng?"

¹⁸⁵ "Kgele," a re, "ha ke kgolwe." A re, "Hobaneng Jesu a boletse jwalo?"

¹⁸⁶ Ka re, "Ke moo, o a bona. Hobaneng? Ha nka o laela ho 'ya saenela tinare ena, ka lebitso la Mogoforonoro wa Naha ya Arizona,' mme rona kaha re le baahi ba Arizona, mme re a tseba hore Mogoforonoro ke mang, kgele, o tla saena ka lebitso la 'Sam Goddard,' o a bona." Ka re, "Hobane, ke Mogoforonoro wa naha. Ha ke a lokela ho o botsa. O a tseba Mogoforonoro ke mang. Mme, ha A ne a re, 'Ntate, Mora, le Moya o Halalelang,' O tsebile kamoo ba tla kolobetsa kateng. Ba ne ba Mo tseba hore e ne e le Mang. 'Dinku tsa Ka di utlwa Lentswe la Ka.' O a bona? O a bona?"

A re, "Oh, ke a bona."

¹⁸⁷ Empa jwale, ntho e latelang, na o tla dumela? O a bona? "Ya utlwang Lentswe la Ka, mme a dumela ho Ya Ntomileng, o na le Bophelo bo sa Khutleng." Mme ha Bophelo bo bocha bona bo ahile ka ho wena, Ke bokgoni-bohle.

¹⁸⁸ Ha o se o amohetse Moya ona o Halalelang jwale, oo ba o amohetseng ka Pentekonta; bao e ne e le dihlomo tsa mochini, jwale Matla a ne a tlide. Ba ne ba dumetse. Le a tseba, metswalle ya rona e kgabane ya Baptise e re ho rona, "Mohla re dumelang, re O fumane." Empa, ba ne ba se na Wona, leha ba ne ba dumetse.

¹⁸⁹ Diketso 19, ba ne ba dumetse, empa ba ne ba se na Wona. "Na le amohetse Moya o Halalelang ho tloha le dumetse?" Le a bona? Ba ne ba na le Dihlomo tsa mochini, ho lokile, hoba baapostola ba ne ba . . . Kapa, ke bolela, Apolose o na ba ruta a bile a paka ka Bibele, Dihlomo tsa machini, hore Jesu e ne e le Kreste, empa le jwale ba eso fumane Matla. Le a bona? Ke moo. Ho lokile.

¹⁹⁰ [Sekheo lebanteng—Mong.] . . . -chanics, o so ntso na le tebeletso, tebello.

¹⁹¹ Jwale, ha o fumana Matla, o phedisitswe ho tloha ho shweng ho ya ho se shweng. A bea mmele wohle tlasa taolo ya Lentswe. A tla o sebedisa ka mokgwa o fapaneng, ho shebahala ka mokgwa o fapaneng, ho phela ka tsela e fapaneng. A tla o etsa o fapane feela.

¹⁹² Jwale shebang. [Sekheo lebanteng—Mong.] . . . ho phediswa. “Lona ba neng ba shwele sebeng le ditlolong, le lefifing, O le phedisitse.” Ka eng? “Moya wa Hae o tsositseng Jesu,” hoseng ha Paseka, “bafung. Mme ha O ahile mmeleng ya lona e shwang,” jwale hlokomela, “O boela o phedisa, o hlahisa Bophelo, ho o bea bolaoding ba Lentswe.”

¹⁹³ Jwale, o ka ipolela o na le Moya oo jwang, mme o itahlela hole le Lentswe? O phedisitswe ke ntho e nngwe e sele. Hoba, O tla phedisetsa mebele ya lona e shwang Lentsweng. Ehlile, O tla etsa jwalo.

¹⁹⁴ Ha O le siyo o ke ke wa sebetsa. O tla hohlola feela, ha o sa Le dumele kaofela. Ha karolo e nngwe ya hao e le mafura le karolo e nngwe e le metsi, ha ho moo o tla fihla teng. O a bona? O tshwanetse ho nka dipheresente tse lekgolo tsa yona, tsa mafura. Ha o sa etse jwalo, o tla hlwenya, mme ha o na matla a letho. O a bona? “Empa ke—ke dumela *hona*, empa ha ke dumele *Hono*,” pomp-pomp-pomp-pomp. Ha ho moo o yang teng.

¹⁹⁵ Empa, oho, ha o amohela bottlalo! Ho le dumella ho bonesa hodim’ a ntho eo, Lentswe ka leng ke Nnete!

¹⁹⁶ Ebe o a lemoha, re sa kwala, lemoha sena. Lemoha, ho jwalo ka peo e nyenyane—e nyenyane e robetseng mobung.

¹⁹⁷ Jwale, hantle-ntle, o se o tsositswe. Ha o amohela Moya o Halalelang ka ho wena o se o tsositswe. O tsoswa hona moo. Hantle-ntle mmele wa hao o se o tsositswe.

¹⁹⁸ Sheba peo e nyenyane. E leme fatshe. E lokela ho nwa sedibeng sa Hae, metsi a phoroselang a theoha. Mme ha e ntse e nwa, e sutumeletsa nga ho Yena, e bopeha e nka setshwano sa peo e keneng mobung. Le a bona?

¹⁹⁹ Kereke e tla jwalo, ka tokafatso, kgalaletso, kolobetso ya Moya o Halalelang, jwale e a thunya. Le a bona? Moya wa Modimo o tsamaile ka ntho eo.

²⁰⁰ Mme moya wa lefatshe o tsamaile ka antikreste, ka tsela e tshwanang, mme jwale o thunya kopanong e kgolo ya dikereke, le a bona, ntho yohle.

²⁰¹ Mme le motho o tla ka tsela eo. Ntho e nngwe le e nngwe e sebetsa ka ho tshwana, sekaleng se le seng sa Modimo, hoba e sa le Yena maobane, kajeno, le ka ho sa feleng. Lemohang, tseleng ya hao, ho holela bottlalo ba tsoho, o tsamaiswa ke Moya!

²⁰² Jwale ka ha letsatsi, s-u-n, le hula semela se se nyenyane se nwang sedibeng sa Modimo, ho dula feela . . . Le a bona, se ka

nwa nthong e le nngwe feela. Tshela oli hodim'a peonyana eo ka mohla; o a e bolaya. Ke hantle. Ha o tshela metsi a bodileng, metsi a kgale ha a na thuso, a senyehile, a tla diehisa kgolo. Se ke ke sa bea tholwana. Na ho nepahetse? Empa ha o tshela metsi a makgonthe a bonolo a pula, amen, ho se matswai a entsweng ke motho ho wona, ho a dumella a tswa hodimo lehodimong feela, mme o hlokomele semelanyana seo. Ha ho metsi a ka medisang jwaloka metsi ao a pula. Ha o tshela chlorine le dintho ho wona, jwale ka le leka ho re kgaqisa yona, mme, ntho ya pele le a tseba, a bolaya semela.

²⁰³ Ke bona bothata kajeno. Ba leka ho ba nosa metsi a tswang sedibeng sa phutheho e hlophilweng, mme a kgutlahanya kgolo. Le a bona? Empa a e ke e fumane. . .

Tloo moo marothodi a mohau a phatsimang;
Re chabele lets'eare le bosiu,
Jesu, ke Lesedi la lefatshe.

Le tla be le le fumane, ha ho le jwalo.

Re tla tsamaya Leseding, Sedi le letle leo,
Le chaba moo marothodi a mohau a phatsimang;
Nchabele feela ka nga tsohle.

²⁰⁴ Tlosang didiba tsena tse entsweng ke batho ho nna! Ha ke tsebe diba se seng; le letho ntle le Madi a Jesu! Ke sona feela Sediba seo ke batlang ho se tseba. Lentswe le ke le ahe ho nna, Morena; Le nosetse ka Moya wa Hao.

²⁰⁵ Lemohang, jwale, ha Moya o tsositseng Jesu lebitleng, o ahile ho lona, ka tshwanelo le na le Bophelo; ho tsamaiswa ke Moya, ho le phedisetsa Lentswe, ho Le dumela. Nthwana eo ha e phetse ho sututsa e nyoloha ha e ntse e hola.

²⁰⁶ Lemohang, mane Pentekonta, mebele ya bona e ile ya tsosetswa Bophelong bo bocha. Shebang sekgakgatha sa makwala a manyenyane.

²⁰⁷ Na ke le tshwarella nako e telele? [Phutheho e re, "Tjhe."—Mong.] Shebang, ke mpa ke futhumetse feela, ke moo, ke ikutlwaa monate. Oho, banna!

²⁰⁸ Lemohang, e ne e le makwala. Lemohang. Empa, ba e-na le Dihlomo tsa machine. Le a bona? Empa ba khohletse bohle morao mono, ba re, "Oho, ke a ba tshaba. Oho, ke tshaba ho tswela ntle le ho ipolela, ka baka la, kgelle, dibishopo tseo tsohle tse kgolo le dintho ntle mono. Oho, ke tshaba ho etsa jwalo. Baprista bao le dintho tseo, ke tshabana le ho hlahisa boipolelo boo, ho tshaba hore ke dumetse ho Yena. Oho, nke ke ka etsa hoo feela, le a bona."

²⁰⁹ Empa, hang-hang, Matla a fihla. E. Mme A etsa'ng? Ha A ka a tlatsa meya ya bona feela, ka hare, empa A phedisa dihlomo tsa bona tsa machine. Mebele ya bona ya phediswa. E sa hlore e le makwala. Ba tswela pontsheng ya batho hantle. E,

monghadi. “Lona banna ba Judea, le lona ba ahileng Jerusalema!” Athe, pele Matla a fihla, e ne le dihlomo tsa machini feela. Le a bona? “Lona ba ahileng Jerusalema, le ke le tsebe ke hona, mme le utlwe mantswa a ka! Batho bana ha ba tahwa, jwale ka ha le lekanya.”

²¹⁰ Ke e mong wa bona. *Hona* ke Hwane! Ke tla le bontsha ke eng. Ke Lengolo. *Hona* ke Hwane! Mme hangata ke boletse, “Ha *hona* e se Hwane, a nke ke baballe *hona* ho fihlela Hwane ho fihla.”

²¹¹ “Tjhe, hona ke hwane ho boletsweng ke moporofeta Joele, ‘mme matsatsing a qetelo, ho bolela Modimo, Ke tla tshela nama yohle ka Moya wa Ka.’” Le a bona, Matla a kena ka hara Dihlomo tsa machini. Keha ba sa hlole ba tsaba.

²¹² Bang ba lona batho ba tshabang ha mosadi wa ho reng a tla le tsheha ka ho ba le moriri o molelele, kapa ho kgaotsa ho tlola meikapo; bang ba lona banna ba tshabang hore mokgatlo wa lona o tla le kgarameletsa ntle ha le kolobetsa phutheho tsa lona ka kolobetso ya Lengolo; le hloka ho ikwalla phaposing e ka hodimo Matla a be a fihle. Ke hantle.

²¹³ A ile a ba fetola. A ba phedisa. A ba bopa ka mokgoa o fapaneng. Keha e le batho ba fetohileng, ho tloha moo. A ba phedisa, ho tloha bophelong ba kgale ba lekwala, ho ba jwale ka Tau ya leloko la Juda. Ba tobana le ho shwelatumelo ka nnete, ho kgokgothelwa difapanong, ho thakgiswa ka ho hlanamiswa, ho cheso, ho lahleloa lemeneng la tau. Bokwala ha bo sa le yo, ho bona. Lefu keha le se na thholo hodim'a bona, ho hang. Matla keha a kene ka hara dihlomo tsa mochini. E , monghadi. A tsosa mebele ya bona e shwang.

²¹⁴ Jwale le mamele. Ntho e nngwe ke ena, e pakang. A ba tsosa jwana ho fihlela (le a tseba ke eng?) ba nyollelwa dibakeng tsa Lehodimo, mme mebele ya bona e shwang ya tsoswa ho fihlela puo ya bona e fetoha. A mpa a . . . A tsosa puo ya bona. Ke se boletsweng ke Bibele. Mme, erekaha mebele ya bona e tsositswe, puo ya bona ya tsoswa. Mehopolo ya bona ya tsoswa. Meya ya bona ya tsoswa. Bophelo ba bona ba tsoswa. Ba tsoswa, kahohle-hohle! Ba leka ho bua, mme ba sitwa ho bua dipuo tsa batho hape. Ba tsoswa hakana ka pel'a Sefahleho sa Modimo ba bileng ba bua ka leleme le lecha, puo ya Lehodimo. Shuu! Matla a makakang a tsosang!

²¹⁵ “Ha Moya o tsositseng Jesu bafung o ahile ka ho lona,” oh, alleluia, “O tla tsosa mamele wa lona o shwang.” O tla le etsisa dintho tseo le eso di etse pele. Lekgatheng leo keha ba tletse Matla a tsosang. Le a bona?

²¹⁶ Mmele wa hao ha o sa buswa ke sebe; wena, ditakatso tsa hao.

O re, “Tswela kwano mona!”

Wena o re, “Kwala molomo wa hao.”

“Oh, re tshwere ntho ya tonana ya . . .”

“Kwala molomo wa hao.” Kgele, o ntsu!

²¹⁷ Na le kile la bona ka moo ntsu ya kgale e hwantang ka boipuso kateng? Ha e qothome sa lenong, le a bona, ho ya nthong e nngwe le e nngwe e shweleng, le setopong sohle se rapaletseng fatshe. Che, monghadi. E tsamaya ka boikgantsho.

“Kwala molomo wa hao.”

“Oh, tinare e hlabosehang ke ena *mona*.”

²¹⁸ “Ha ya etsetswa nna. O a bona, ditabatabelo tsa ka di fetotswe. Tatso ya ka ya dijo e fapane. ‘Hoba motho a ke ke a phela feela ka setopo sa lefatshe, empa ka Lentswe le leng le le leng le tswang molomong wa Modimo.’” Ntsu ya makgonthe e tsositsweng e phela ka Hono. Amen!

²¹⁹ Oh, mme O nyolotse Kreste lebitleng, ho aha ka ho wena, o tsoseditse mmele wa hao o shwang ka pel'a Sefahleho sa Hae. O a Le ellwa. Ha o sa le mofielammila. O ntsu. Ha o batle dintho tsa lefatshe. O mora le moradi wa Modimo. O keteka Sedibeng seo lefatshe le sa tsebeng letho ka sona. O nwa ho Sona. Motho e mong o a tseba . . . Lefatshe ha le tsebe letho ka sona. O ja Manna a patlweng ao lefatshe le sa kang la tseba letho ka Wona, hoba o ntsu. O tsosedswe hodimo moo o ka A fihlelang. O ka se theohele ho Oona tlase mona, o tlamehile ho nyolohela hodimo mona. O tlamehile ho tsoswa, ho phahamisetswa mono, e le hore A tle a tsose.

²²⁰ Ba ile ba etsa'ng? Ba bua ka puo eselete. Bibele e boletse ha ba entse hoo. “Ba bua ka puo e nngwe le e nngwe tlasa Lehodimo.”

²²¹ Na le ka lekanya taba eo, mebele eo ya kgale e shwang ka hare ka mono, e re, “Be, jwale ha ke tsebe nka dumela taba ena kapa che”?

²²² Hang-hang, keha ba tsositswe hoo sebete sa Tau ya leloko la Juda se bileng sa kena ho bona, hodim'a Ngata e tsokotsehang eo. Oh, Ntsu eo e tlide ho bitsa ba Yona ka Sebele! “Mme ba tela maphelo a bona ho isa lefung.” Amen.

Mme ba sa le teng ba tla tela madi a phelo ba
bona,

Bakeng sa Evangedi ena ya Moya o
Halalelang le mophula wa Yona o
mofubedu.

²²³ Mme Mora o lokela ho—ho senolwa hape, ka ho Monyaduwa tsatsing la ho qetela; Matla a tsosang a loketse ho tla, ho ba tsosa phuthehong tse shweleng tsena le ditumelong, ho fetela Lentsweng le Phelang la Modimo o Phelang. Oh!

²²⁴ Che, Wa ba tsoetsa Bophelong bo bocha. Le jwale O re etsetsa ntho yona eo. Lemohang, jwale he, ba ile ba tsoswa hakakang ke Matla a tsosang ao! Jwale ke...

Mamelang ka hloko jwale. Ke leka ho le bontsha.

²²⁵ Matla a tsosang a ne a sa dula moyeng wa bona feels, empa A le hohle hodim'a bona. A... Matla ha a ka a kena ka hare feels, ho tsosa, empa A tsosa dihlomo tsa mochini. Le bona seo ke se bolelang? Ba tsoswa ho fihlela maleme a bona a bua ka puo e sele. Ba tsoswa hona ke Matla a tsoho a Kreste, ba ba ba bea matsoho a bona... Ba tsoswa ke Matla a tsosang, hoo, ha ba bea matsoho hodim'a bakudi, ba ile ba fola. "O tsositse mebele ya lona e shwang." Ba phekolwa, ka ho bea letsoho la bona.

²²⁶ Mme Moya wa tsosa setswalle sa bona le Modimo, hoo le bona ba bileng ba tsoswa hakana ka pel'a Sefahleho sa Modimo hoo, enereha ha motho a shwele mme moya wa bona o se o iketse, Wa mo kgutlisetsa bophelong hape. Amen! Kganya! Jwale ke ikutlwae ka halalela.

²²⁷ Ke hantle, ho tsoswa! Tsoho ya Hae e ne sa etsetsa Yena feels, empa le ho e mong le e mong ya batlang, ho Peo ena e reretsweng pele e robetseng mono. Ho tsosa, ho tsosa mmele o shwang!

²²⁸ Ba bea matsoho hodim'a ba kulang; ba fola. Ba rapela; ba bona pono Moyeng, ba busetsa mofu bophelong. Ke hantle. "Ho tsosa mmele wa bona o shwang."

²²⁹ Ha O kena ho wena; ha ho le jwalo... Jwale, o ka re ho jwalo; empa ha ho le jwalo, mehlolo e tla latela hoo, o a bona. "O tsosa mmele wa hao o shwang." O tla o tsosa.

²³⁰ Jwale, lemoha, ho tsoswa ka pel'a Sefahleho sa Modimo. Hobaneng? E ne e le Moya wa Modimo o tsositseng Jesu lebitleng. Mme, Moya wa Modimo, "Ke ba fa Bophelo bo sa Feleng," ho tswa lentsweng se-Gerike, ha o ka le sheba, Zoe, le Bo mathisang jwalo ka ho wena le ho tsosa esita le (a bona) kelello ya bona.

²³¹ Jwale bonang. O ka rialo jwang hore Moya o ahile ka ho wena? Leha kwana o entse ntho e nngwe le e nngwe o hopotseng hore e ne e lokile, ke bona bopaki ba hore o na le Wona kapa che. Ha Moya o neng o le ka ho Kreste o ahile ka ho wena, le Wona o o tsoetsa Lentsweng, hoba Wona ke Lentsweng. Mme ha wona, o le kgahlano, ho o tsoetsa hole le Lentsweng, e tla be e se Moya wa Kreste!... ho sa tsottelehe seo o se entseng, ho fihlela Hoo ho o tataisetsa ka hara Lentsweng. "Dinku tsa Ka di utlwa Puo ya Ka, mme di tla phela ka Lentsweng le leng le le leng," Lentsweng le leng le le leng! Ke ne ke bua ka hono tsatsi le leng.

²³² Mme wa ka, o sa na ikele jwale, mme e ne e le mosadi ya hlollang haholo. Mme o ne a, le a tseba, e le mo-India ka

lehlakoreng le leng, mme o ne a hlolla. Empa ka hare ka mono e le motho ya sa loreng. Empa ha ke kgolwe... O kile a lora ditoro tse nne kapa tse hlano feela, bophelong bohole ba hae. Empa nako le nako ha a na lora toro, e ne e nepile. A lore toro, e ne e nepile.

²³³ Ke hopola mohla ke qalang ho rera, dilemong tse ngata tse fetileng. Re dula tlase mona tseleng, hantle feela hodimo mona. Ke rera kerekeng ena hantle. Mme a lora toro, ke ne ke eme mona mabapa le ditepisi tharo. Mme ke eme, ke rerela motho e mong le e mong, hore ba tshwanetse ho tsamaya ditepisi tse tharo tsena pele ba fihla mmilakgolong. Mme mmilakgolong ho na le mola o mosweu o kang perela, o mathang o kena hantle e—e—e menyakong ya Lehodimo, ho fihla kgorong ya perela. Mme perela ena e manehilwe hodim'a ditepisi tsena. Ha oo e se Molaetsa wa ka hantle kajeno; tokafatso, kgalaletso, kolobetso ya Moya o Halalelang! Mme ke re motho o loketse ho tla ka ditepisi tse tharo tsena, a tle a kgone ho tsamaya mmilakgolong oo. Mme ka re...

²³⁴ Ho be le mofumahadi ya fetang. Jwale, le tseba mofuta wa dieta tseo batho ba ne ba di rwala dilemong tse mashome a mararo le metso e mehlano tse fetileng. Ha ba le mofumahadi ya fetang, a rwetse para e phahameng jwale ka ha ba di rwala kajeno, dieta tsa serethe se kang thakgisa. Mme a feta. Mme ka re, “Be butle, kgaitsedi. O ke ke wa tsamaya mmilakgolo ka ntho eo.” Mme ka re, “O—o ka se etse ntho eo.”

²³⁵ Yaba o re, “Ah!” A re, a sheba basading ba bang bohole, a re, “Le se mo dumele. Ke lehlanya la monna. Le a bona? Le se mo dumele. Ke tla le bontsha nka lokafatswa, ho halaletswa, le ho tlatswa ka Moya o Halalelang, mme ka nna ka tsamaya mono.” Yaba o... Ka mo tlohela feela. Ke sitwa ho etsa letho hape, ka sitwa ho mo thiba. Mme a tshethemela mmilakgolo. Mme a hetla kgaitsedi, a re, “O a bona, ke o boleletse!” A qalella ho matha a nyoloha, mme a...

²³⁶ Le a tseba, jwale ka ha Bibebe e boletse, ho Esaia, kgaolong ya 5, ba tla ba le “melala e sataletseng.” Ba loketse jwalo; ba kodumetse, le a bona. “Ba nantsha ha ba...” Ba loketse jwalo, ho meneka, “Ba nantsha ha ba tsamaya, ba rwarwaetsa ka direthe tsa bona; le a bona, baradi ba Sione tsatsing la ho getela.”

²³⁷ Mme a nyoloha mmilakgolo oo, a matha haholo ka moo a n'a kgona. Mme, ka mora nakwana, tsela ya nna ya patisana le ho patisana. A qalella ho akgotseha, a nts'a nantsha *jwalo*, mme a wela.

²³⁸ Yaba mme o re, “Seboko se nyarosang ka ho fetisisa seo nkileng ka se utlwa bophelong ba ka, ha mosadi a wela malakabeng ao le mosing, a lepella, tlase ka tsela eo.” Ho re, ke “ile ka reteleha mme ka re, ‘O a bona?’”

²³⁹ A ile a mamela ntho e nngwe le e nngwe haese Lentswe le le leng, le a bona, ntho e nngwe le e nngwe ntle le Lentswe le le leng. Ehlide, basadi ba Pentekonta ba ka bolokeha, ba halaletswa, le ho tlatswa ka Moya o Halalelang, ba ntso hholeha. Ruri. “Motho a ke ke a phela ka bohobe feela, empa ka Lentswe le leng le le leng le tswang.” Le a bona? Le a bona? Mme a Le sitela. Mme jwale ka ha ke boletse, le a bona, a ka be a ile a kena, hantle, empa, le a bona, a hana ho utlwa; ho mmolella se neng se le kapele. Mme O ngotse Evangedi ka barutuwa, baapostola, le Thuto ya baapostola le baporofeta, le ba jwalo, mme ba hana ho utlwa.

²⁴⁰ Jwale le lemohe Matla a tsosang ana, Zoe, ha a tlisa Lentswe, mohopolo o no le ho Kreste o no o le ka ho lona mohlang oo. Ke leka ho le supisa, hono, lona, mohla le ne le tsoha. Ha Modimo o no o nyolla Jesu bafung, O le nyolotse, le lona. La ba la tsosetswa Bophelong, le Yena mmoho, jwale le tsoseditswa Bophelong, leha mohlang oo le ne le le tholoana ya mehopolong ya Hae, empa Modimo o no o bone bohle ba neng ba le ka ho Wona, pheletsong, le a bona. Mohla Modimo o no o sheba mmele . . .

²⁴¹ Moya o ile wa Mo tlöhela, Serapeng sa Gethsemane. A loketse ho shwa, motho. Hopolang, metswalle, O ne a sa tlameha ho etsa hono. E ne e le Modimo eo. Modimo o ile wa tlotsa nama eo, eo e neng e le nama ya motho. Mme A se ke a . . . Hola A na nyolohetse mono, jwale ka Modimo, A ka be a sa shwa lefu la mofuta oo; Modimo a ke ke a bolawa. O ne a sa tlameha ho etsa.

²⁴² Empa, o hopole, A nyolohela mono wena o le ka ho Yena. O a bona, Modimo a eso arole Monyadi ho Monyaduwa, le jwale. Ka baka leo ha Modimo o no o sheba mmele wa Kreste, O bone botona le botshehadi mmoho. Hohle ho ne ho lopolotswe mmeleng oo o le mong. O a bona? Ba bang, ntho e tshwanang, Lentswe le tshwanang. Lentswe le tshwanang, le buile ka Monyadi, le bua ka Monyaduwa.

²⁴³ Be, Monyaduwa a ka tla jwang, homme a sitwe ho bonahatsa ntho ka nngwe e tshepisitsweng ka Yena; le Monyadi a tle, mme e sa tlo ba Monyaduwa? Empa ha A na etsa ntho e nngwe le e nngwe, esita le ka ho e paka ka ho Itsosa bafung, hamorao, jwale na yena—yena Monyaduwa ha lokela ho etsa ntho yona eo, ho ba seo Lentswe le boletseng hantle A tla ba sona matsatsing ana a ho qetela? Na ha A lokela ho bonahatsa ho kgutla ka Malakia 4? Na ha A lokela ho bonahatswa jwale ka matsatsing a Sodoma? Na lefatshe ha le a lokela hantle ho ba boemong boo le leng ho bona? Ana dintho tsena ha se boitsebiso bo phethahetseng ba Lentswe la Modimo le tsebahatswang ho rona?

²⁴⁴ Tjhe, metswalle, kea tseba ke le tshwarella nako e telele, ke metsotso e leshome le metso e mehlano pele ho tinare, empa ho

ka etswa ke be ke qetile nakong eo. Empa lemohang, shebang mona, ke ntho e phethahetseng hakakang. Ha ke tsebe ke tla boela ke le bona neng. Le a bona?

²⁴⁵ Shebang, lemohang sena. Empa Modimo o bonetse pele Monyaduwa ka hara Monyadi. Alleluia! Le a bona, ho pholosa mosadi wa Hae, jwale ka Adama, A loketse ho tsamaya le Yena. Adama o ne a tseba se a na se etsa; Eva a sa tsebe se a na se etsa, empa Adama a tswa a tsamaya le mosadi wa hae. Le a bona? Mme Jesu o ile a nka sebaka sa Mosadi wa Hae mme A fetoha sebe bakeng sa Hae. Hopolang, A fetoha lona, A emela kahlolo ya lona, le tle le eme sebakeng sa Hae. A ema sebakeng sa lona, le tle le eme sebakeng sa Hae. Lerato le le kakang! Setswalla se se kakang! Re ka le hana jwang? Re ka etsa ntho e sele jwang ha e se ho Mo rata, motswalle? Nka qeta dihora teng, empa re mpe re tswe tema ho se hokae.

²⁴⁶ Jwalo ka boiphihlelo ba Pentekosta kajeno, le ho kgutla ha Moya o Halalelang matsatsing ana a qetelo, jwale ka ha ho tshepisitswe, ekare lengolo la tokelo e hlaoletsweng. O a bona?

²⁴⁷ Jwale, o ka fumana tokelo. Ehlide. O a bona? O ka fumana tokelo ya setsha, empa ha ho bolele e le sa hao. Che, monghadi. Motho morao-rao kwana a ka tla kenya tseko hodim'a sona. Empa ha o hlaolelwetswe, ke sesupo sa ha ntho ka nngwe e kgahlano le sona e phumutswe, ho tloha morao kwana motheong. Ho jwalo ha ke re?

²⁴⁸ Mme ha motho a ipolela tumelo Lentsweng, jwale ha Moya o Halalelang o fihla, Ke tokelo ya thuo e hlaoletsweng. Mme e o fa tumello, ha o tshwere tokelo e hlaoletsweng eo, ho bolela ha karowlana e nngwe le e nngwe ya yona e le ya hao, mme ntho ka nngwe e hodim'a lona ke ya hao. Amen! Mme hoo ho re fa setsiba se hlaoletsweng, ha Moya o Halalelang o theohela hodim'a lengolo lena la tokelo eo Modimo o e boneng motsheo kwana pele ho thewa lefatshe, le ho ngola lebitso la yona Bukeng ya Bophelo; ya mpa ya tswalwa ke monna le mosadi, mme ya bewa tlasa sebe, le ho jara molato wa sebe. Empa mohla ke ne ke dumela ho Lona, ka fumana tokelo; empa ha Moya o Halalelang o fihla, E ne e le hlaolelo ya hoba ntho ka nngwe e kgahlano le nna, leha ekaba e entswe ke mme, e entswe ke ntate, nkongo moholo-holo a e entse...

²⁴⁹ Jwale ka ngwana e monyenyanane, ya tshwerweng ke sethwathwa, eo ke mo rapeletseng metsotsong e mmalwa e fetileng, se tswang ho baholoholo. Sethwathwa sa theoha, sa wela hodim'a ngwana, ke boletse.

²⁵⁰ Empa ha setsiba se hlaoletsweng se fihla, Se hlakotse, se tshwaretse ntho e nngwe le e nngwe. Ke morui wa setsiba se hlaoletsweng jwale. Amen! Mme ruri jwale ka ha Moya o tsositse Kreste bafung, ke tshwere tokelo e hlaoletsweng ya hore ke karolo ya Mmele oo, le setsiba se hlaoletsweng sa Moya

o Halalelang o etsang hore mmele oo wa Lentswe o phele hantle jwaleka ha O entse ka ho Eena, jwale ka ha A tshepisitse tsatsing la qetelo. Setsiba se hlaotsweng! Dibe tsa ka tsohle di hlaotswe, dibe tsa hao tsohle di hlaotswe, ke Madi a Jesu Kreste, mme Moya o Halalelang o tla jwaleka lengolo la tokelo le hlaotsweng leo Modimo ka mohau a mphileng lona, ka boitsebelopele. Oho, banna!

²⁵¹ Le tsoha eng? Ha ho makatse ha A itse, “Le se tshohe; Ke nna ya na be a shwele mme Ke boetse ke a phela; ke bile ke phela ka mehla; mme ke tshwere dinotlolo tsa lefu le dihele.” Le se tshwenngoe ke letho. Esita le lefu ha le ka ke la le ntsha kotsi. Lemohang. Ho ho tle!

A re tsamayeng ka potlako ruri jwale.

²⁵² Tokelo e hlaotsweng! Molato o lefilwe. Nhto ka nngwe e kgahlano le yona e hlaotswe. Ha-ha-ha! Tlotliso! Eka ke tletse bosawana, empa ke thabile. Lemohang. Le a bona? Oh, mosebetsi o hlaolelang, le elellwa ho bolelwang ke hoo? O elellwa se bolelwang ke seo, moena? Ha ho letho le ka o amohang yona. Amen. Ke morui. Amen. Ha se le . . .

²⁵³ Ketso efe? Ha jwale ke se ke lefeletse lefa la ka ka botlalo, la lefu la Hae, kepel, le tsoho. A fetoha nna, ke tle ke fetoha Yena. Jwale, A fetoha moetsadibe, ke tle ke fetoha mora, amen, le hore ke tshware lengolo la tokelo e hlaotsweng. “Hoba mehlolo ena e tla tsamaya le ba dumelang,” le a bona, lengolo la tokelo e hlaotsweng!

Jwale ka potlako, pele . . . Re saletswe ke metsotso e ka bang leshome.

²⁵⁴ A re lemoheng jwale, ka potlako, tsoso ya Moya. Ke tlilo le bontsha matshwao a mmalwa le tle le utlwisise. Shebang, jwale hlokomelang ke eng, “Matla a phedisang” ana e ne e le temana ya ka. Hoba Mora a tsohe, shebang kamoo A sebeditseng hodima bona mane Pentekonta, seo A se entseng ho bona, seo Matla a phedisang ao a se entseng ho bona. A ile a ba phedisa.

²⁵⁵ Jwale re lemohe seo A se entseng hodim'a Setefane. Setefane o n'a tletse Matla a phedisang. Ho no ho le jwalo ha ke re? Le a bona, a tletse Matla a phedisang hona. Ha ya ka ya mo tshosa ka letho. A re, “Lona ba melala e thata le ba sa bollang pelo le ditsebe, le hanel Moya o Halalelang ka mehla; jwalo ka bontata lona, le lona le etsa jwalo. Ke ofe ho baporofeta ba bontshitseng ho tla ha Ya Lokileng, bontata lona ba sa kang ba mo tlapunya ka majwe?” Oho, banna! A mo etsetsa ntho e nngwe. Ehlide, o ne a tletse Matla a phedisang.

Mme ba re, “Re tla fiela thaka leo!”

²⁵⁶ Mme ho shweng ha hae, ba mo tlapunya ka majwe; mme hlohwana ya hae, majoe a e batola jwalo. A lelala hodimo mme a re, “Ke bona Mahodimo a phetlilwe.” Matla a phedisang a

n'a sebetsa. "Ke bona Mahodimo a phetlilwe, le Jesu a eme letsohong le letona la Modimo." Ke seo Matla a phedisang a se etsedsitseng Setefane.

²⁵⁷ Lemohang thaka le leng, ya na ena le Matla ana a phedisang, lebitso la hae e le Filippi. A tletse Matla a phedisang hona. O n'a tshwere seboka se seholo tlase Samaria. Matemona a lelekwa. Batho ba kolobetswa ka Lebitso la Jesu Kreste. Ba ne ba tshwere seboka sa mannete. Yaba Moya o bua le yena, oh, e—e Matla a theoha, mme Ya re, "Tlohela tsoseletso ena." Empa bareri ba tla reng? Seo ba se buang ha se etse phapang. Le a bona? O ne a tletse Matla a phedisang. A ena le mafura, mme—mme Matla a tsholohela hodim'a hae. Ha thwe, "Tloha o kene nahathote."

²⁵⁸ Mme teng a fumana letona, mme a le kolobetsa ka Lebitso la Jesu Kreste; monna a le mong, ya theoletseng Molaetsa Ethopia. Ho jwalo? Mme a utlwa Modimo.

²⁵⁹ Kutlong ya Modimo, ha o eso kolobetswe ka Lebitso la Jesu Kreste, e etse, mme o shebe ha Matla a phedisang a o thonaka he. O a bona?

²⁶⁰ Mohla Setefane a na etsa ntho e kgolo ena... kapa, e seng Setefane. Empa Fillipi a etsa ntho e kgolo ena, ho tlohela tsoseletso e kgolo eo le ho mamela melao ya Modimo, yare ha a phethahatsa, ka ho tlatsa... Ka ho kolobetsa letona lena, kutlong ya Modimo, a tlala Matla a phedisang hona A ba a mo tlosa. "O tla phedisa mmele ya lona e shwang, ha Moya ona o tsositseng Jesu bafung." Wa tsosa Filippi ho fihlela a sa bonwe mohlomong sebaka sa dimaele tse lekgolo le mashome a mahlano, ho ya sebakeng se seng, kwana naheng e nngwe. Wa phedisa mmele wa hae o shwang. O e entse jwang? O ne a tletse Matla a phedisang hona.

²⁶¹ Oho, Kereke ya Modimo o phelang, re ke ke ra pealla mona ka dithetsa-tsa-tswekere tseo re di momonang mona kajeno. Re loketse ho tlala le ho dula re rapetse, ka Matla a phedisang, ho fihla phedisong ya Moya o Halalelang! Re loketse ho nnkuwa, ka tsatsi le leng, Tlhwbilong yane kwana. E, monghadi. Amen! Oho, banna!

²⁶² Tshwarelang tlhahiso eo. Ke ne ke nahanne ka mme ya etsang kgetsana tseo, re ne re tlwaetse jwalo, bakeng sa lesea. Bang ba lona bomme ba hodileng le a e hopola. Leseanyana la batho ha le bokolla; o nka dithollo tse sitsweng tsa kofi le tswekerana, o di phuthele kgetsaneng mme o re a e momone, ho mo kokobetsa feela. Ha ho matla nthong eo. E tla mmolaya. Le a bona? Khafeine eo ya kgale ka mono, le ntho, tswekerana e etsang hore a e kwenye, o kenya khafeine ka ho yena.

²⁶³ Re tennwe ke dintho tse kang tseo. Kgutlang! Le dintsu; kgutlelang Lentsweng la Modimo! E bang dikgoka; ha ho letho le ka thonkgang maikutlo a lona, ha ho le jwalo le lokolotswe

tsuong yohle ya motho. Ntho efe feela eo motho a ka e buang khahlano le wena, hoo ho totisa lerato feela. Amen. Mme, Matla a phedisang, ho nkelwa hole Mahodimong, ntsu e seng e foletse hodim'a dikgoho, hodimo kwana dibakeng tsa Mahodimo ka ho Kreste Jesu! Oh!

A ne a le hodim'a Filippi. A mo phedisa, a mo tlosa.

²⁶⁴ A re nkeng monna e mong. Ho ne ho ena le monna ya bitswang Henoke. Jwale, o ne a tsamaile le Lentswe le leng le le leng la Modimo, ka dilemo tse ka bang makgolo a mahlano. A ena le bopaki, ba ho re, "Ha ke eso tlole Lentswe la Hae le ka mohla." A tlala Matla a phedisang hona mohla Matla a ne a mo tea, hodima Dihlomo tseo, a sa lokela le ho shwa; a mpa a nyoloha a ya Hae. A qalella ho tsamaya feela. A le jwana... Jwaleka Filippi, a tlala Matla a phedisang hona, ho ena le ho twatwaila a ya Gaza le ho ya tulong e nngwe, moo, ba mo fumaneng mabopong a ka hodimo mono. Ho ena le mokgwa oo, a tloha feela, oh, ho re, "Ke leqheku, le hona. Ke na le Matla a mangata a phedisang, ke tla tsamaya feela ke tlohe lefatsheng."

²⁶⁵ Ke wona Matla a phedisang ao re nang le oona hona jwale. Le a bona, A tla tsosa mmele ya lona e shwang. Ho lokile ha re? Ke Matla a phedisang.

²⁶⁶ Henoke, ka bopaki bo phethahetseng boo, ho re, "Ntho ka nngwe Modimo a ntaetseng ho e etsa, ke e entse. Mme tsohle tseo ke boneng A itse ke di etse, ke di entse." Mme a tlala e-e Matla hona, kapa—kapa Dihlomo, hoo, eitse ha Matla a mo tea, Dihlomo, A mo nyollela hodimo feela. A tloha lefatseng a tsamaya, ho kena Lehodimong.

²⁶⁷ Jwale, lemohang jwale, hodima Elia. Ka mora... Shebang, Elia, moporofeta eo wa senatla, monna wa tsatsi la hae. Ntshwareleng. Moena, kgaitsemi, tsatsing leo keha a pshatlile basadi ba fahleho di ferefilweng bao, bo-Jesebele bao le bo-Akabe. A ba a ema tsi... Mme yaka, ho ne ho se motho, ya n'a eme le yena. Mme a kgalema, a harola, mme a ema ntle mono, mme Modimo o no o mo hlokometse le ho mo thusa tulong e nngwe le e nngwe. Le a tseba, leqheku leo la kgathala tsatsi le leng. A re, "Ke a tsofala, ka baka leo ke sitwa ho tswela pele." O ne a tswela pele, ke a kgolwa, a le dilemo di mashome a robong; a tsafetse haholo, mme a tsamaya hohle mono, mme a tletse Matla a phedisang hakana. Le a tseba ke'ng? A sheba mose ho Jorodane.

Oho Modimo! Ekare ke bona mose wane. Ha le o bone na?

²⁶⁸ A tletse Matla a phedisang hona, a ba a, bona koloi ya ntwa e holehilwe mono, dikatola tse itseng tsa Mollo le koloi ya Mollo, di hoketswe sefateng se seng mono. A tshela noka feela mme a ya Hae, a sa shwa le ho shwa. Matla a phedisang a romela, a theola koloi Lehodimong ya mo thonaka. Esitile a hlobotse kobo ya hae mme a e lahlella Elia. Ke hantle.

²⁶⁹ Jwale, yaba thaka leo le thonaka kobo eo, papiso ya Kereke hape, le a bona, a thonaka kobo eo. Jwale, a etsa mehlolo ya karolo tse pedi, e leng papiso ya Kreste le Kereke. Le a bona? Elia o entse e mene; a etsa e robedi. Le a bona, jwale, o ne a—a ena le matla a karolo tse pedi, hoba a a kopile. “Le tla etsa tse kgolo ho feta tseo Ke di etsang.” Le a bona? Empa o ne a tletse Matla a phedisang hona, le ntho e nngwe le e nngwe, a ba a etsa dintho tsena, habedi, ho seo Elisha a se entseng, ho feta kamoo a sebeditseng. Mme le lemohe, a phela bophelo ho fihlela dilemong tse ka bang mashome a robedi kapa mashome a robong, a tsafala mme a—a shwa. A shwa, yaba ba—ba mo nka ba mo epela.

²⁷⁰ Le a tseba, che, Matla ao a phedisang ha a ka a mo lesa. Dilemo tse ngata, ngata ka morao ho moo, ha nama e se e bodile e tlohile masapong a hae, o na robetse lebitleng. Mme ba ne ba jere monna ya shweleng tsatsi le leng, mme ba bona sera, yaba ba lahlela monna enwa hodim'a masapo a Elisha. Ho ena le Matla a makana a phedisang masapong ao hoo monna a bileng a qhoma a tsoha hape. Oh!

²⁷¹ “O tla phedisa mmele ya lona e shwang.” Leha e shwele e bodile lebitleng, mme leha ho le jwalo Matla a phedisang ao a na robetse hodim'a mobu oo. Alleluia! Uh! “Ya tsositseng Kreste bafung o tsosa le mmele ya lona e shwang.” Elia morao mane, Elisha le Elia . . .

²⁷² Hopolang, monna ya shweleng eo, moporofeta eo, ya tletseng Matla a phedisang ao, a robala lebitleng mme a bola; ho ena le Matla a mangata a phedisang, ho fihlela, ha ba lahlela monna ya shweleng hodim'a hae, a boela a phela. A nts'a kgona ho bea matsoho hodim'a bakudi. Ha ho jwalo? Amen. Ke moo he.

²⁷³ Mme le hopole, re nama ya nama tsa Hae, Jesu Kreste. “Re nama ya nama tsa Hae, le masapo a masapo a Hae.” Oh, ha ho tselo ya ho e kwekwetla. Re tla tsoha, mme ke phetho. Le tla tsoha, ke phetho.

²⁷⁴ Paseka e bua haholo ho feta moetlo feela. Ho jwalo le jwale, hoba mebele ya rona e tsositswe le Yena mme re dutse dibakeng tsa Lehodimo.

²⁷⁵ Mme mmele ona o ka bola lewatleng; o ka bola mobung; mohlolomong ha se sale molora o tlalang kgabana; empa o a tsoha. Hoba, Moya o nyolotseng Morena wa ka bafung o phedisitse mmele ona o shwang. O phedisitse mmele wa hao o shwang. Mme re majalefa a Hae a tsoho ya Hae, pholisi ya Hae ya Bophelo bo sa Feleng eo ke buang haholo hakana ka yona, le a tseba. Ha ho makatse ha A itse, “Le se tshohe.” O ne a tseba.

²⁷⁶ Hoba jwale ka ha Pauluse a boletse, “Lefu, tsenene ya hao e kae? Lebitla, ho hlola ha hao ho kae? Ke tletse Matla a

phedisang. Ho bokwe Modimo, Ya re fang tlholo ka Morena wa rona Jesu Kreste." E, monghadi! Matla a phedisang. Oho, banna!

²⁷⁷ O phela ka mehla le mehla, "e sa le yena maobane, kajeno, le ka ho sa feleng." Baheberu 13:8. Lemohang, Messia, Motlotsuwa; ho jwalo le ka Monyaduwa wa Hae, bo-Messia, le a bona, Motlotsuwa.

²⁷⁸ Le lemohe, lefu ha le kgine Matla a Modimo a phedisang. Lefu le sitwa ho A kgina. Ha o na le Wona, ke A bo-sa-Feleng. Ha ho letho le ka A kginang. O ke ke wa A qhaneha; o ke ke—o ke ke etsa letho ho Wona. Ha o phela bophelo ba hao mme bo fela, hoo ho sa ntse ho sa Bo fedise; bo lokile kamoo Bo ne bo le kateng.

²⁷⁹ Lemohang, Moshe o tletse Matla a phedisang ao. Ha ke re? E ne e le moporofeta eo Lentswe le tlileng ho yena. E le karolo ya Lentswe. E le Lentswe la tsatsi leo. Ho jwalo? Mme hoba a shwe, dilemo tse makgolo a robedi; hodima Thaba ya Phetolelo, keha a eme mono, le Elia. Ha ke re? Matla a phedisang, lefu ha le A tlose. Tjhe, tjhe. "Ke tla boela ke o tsosa hape." Mangeloi a tla; a mo pata tlase mono phuleng. A se a bodile a fedile, masapo a hae a fedile, le ntho e nngwe le e nngwe, empa Matla a phedisang a ntse a le teng mono. A mo tsosa a ba a mo nyolla. Mme ke eo moo a na le teng, a eme mono. Lemohang.

²⁸⁰ O re, "Ho jwalo, Moena Branham, ka mora dilemo tse makgolo a robedi?" Oho, banna!

²⁸¹ Ha le ka bala ho Mattheu, ke tshwere Lengolo, Mattheu 27:51. Le ka ngola, la le ngola fatshe. Mohla bao bohole morao mono, ba neng ba dumetse hoba O tla tla... Bibebe e boletse mona, ka mora hoba A tle, ba ne ba robetse mobung. Matla a phedisang a le hodima bona, mme e le karolo ya Hae, bahalaledi bao. E le karolo ya Hae, hoba ba ne ba dumetse ho Yena.

²⁸² Hantle-ntle ba ne ba ena le Bophelo boo, ka sehlabelo sa nku, pheko, e ne e sitwa ho kgutlisetsa moywa nku hodim'a motho. Ho jwang hona jwale ka Moya wa Motho, Modimo ka bo-Yena, hodim'a lona, le a bona, re na le Matla a fetisisang hakakang a phedisang! Empa ka pheko ya sebe ha nyehelwa konyana, papisong. Seo re se tshwereng ha se papiso; ke papiso-kganyetso. Re tshoha'ng? Mme mathaka ao a na tshwere papiso feela, ho supa tsohong ya Hae, ba ba ba theohela lebitleng ka yona.

²⁸³ Jwale ka Jobo morao mane tlasa lefutso le leholo lena, kgele, a amohuwe ntho ka nngwe! Diabolosi a re, "Ere ke mo tshware. Ke tla mo etsa a O rohake sefahlehong sa Hao." Mme a furuletsa.

²⁸⁴ Ho re, “O se ke wa nka bophelo ba hae.” Mme a etsa (a) tsohle ntle le ho nka bophelo ba hae.

²⁸⁵ Mme esita le mosadi wa hae a mo hlanohela. A re phefumoloho ya hae e ne e mo nkgela. Ka mantswe a mang, a—a se a batla a tsamaela thoko le yena. Eka ha a sa hlola a mo rata, a mo sututsa feela. “Jobo, o soto! Hobaneng o sa rohake Modimo, mme wa shwa?”

Ho re, “O bua jwale ka mosadi ya sethoto.” Oho, banna!

²⁸⁶ Le a bona, a tiisettsa ho seo a ne a se tshwere. Jwale, e ne e le moporofeta. A re, “Ha ke moetsadibe. Ke nyehetse sehlabeled se hlahisitsweng.” Amen. A tseba moo a na eme teng. O ne a eme Lentsweng. Ho sa tsottelehe seo ba bang ba ne ba se bolela, a le hantle mono Lentsweng. Yaba ho fihla hora e kgolo eo... Ho re, “O bua jwale ka mosadi ya sethoto.” A re, “Morena o mphile, Morena o nkile; kgele, ho bokwe Lebitso la Morena!” Ho re, “Ke tlie lefatsheng lena ke se na letho. Ke tlie mona, ke le feela, ke tla kgutla ke le jwalo. Ho bokwe Lebitso la Morena!” A dutse mono, mathopa a siphoha, bana ba hae ba shwele, a otlilwe ka bofuma, le metswalla ya hae yohle e mo hlanohetse, ditho tsa kereke ya hae, ntho e nngwe le e nngwe, a ikgwabitla ka... Mme a le soto a le madimabe hakakang! Ha ho le a mong wa lona ya kileng a feta mono le jwale. Leha ho le jwalo, a tiisettsa Lentsweng leo.

²⁸⁷ E ne e le ntsu. Oho, banna! O ke ke wa e sira mahlo ka lelwapi ka dinako tsohle. Tjhe, tjhe. Hang feela, a sa eme Lentsweng leo, ha etsahala'ng? Dipakapaka tsa phetlwa, diaduma tsa qala tsa rora, lehadima la qala la tsekema, mme Jobo a sheba hodimo mme a bona pono, a re, “Ke a tseba Molopolli wa ka o a phela. Matsatsing a qetelo O tla ema hodima lefatshe lena. Mme leha diboko tsa mmele wa ka di se di sentse mmele ona, masapo le tsohle, Matla a phedisang ao a tla ba ntsa le teng. Ke tla bona Modimo ka bona, Eo ke tla mmona ka bona. Mahlo a ka a tla bona e sang a e mong.” Ho jwalo na? “Leha mehopolo ya ka e se e timeditswe ka ho nna, leha diboko tsa letlalo tse mmeleng wa ka jwale, di tla o senya.”

²⁸⁸ Le a tseba, diboko tsa letlalo ha di tle ho wena. Seboko seo se se se le ka ho wena, diboko tsa letlalo la hao ka sebele. Na le kile la elellwa hono? Ba o kenya lekeseng, mme ba le tinketse ka thata; tshwele e tla o ja e o qete, ka ho tshwana, hoba di ka ho wena. O boinyane ba tshwele feela, le ho qaleng, ka hare.

²⁸⁹ “Leha diboko tsa letlalo, diboko tsa letlalo la ka di ka ntshenya, nama ya ka, empa ke tla bona Modimo nameng ya ka.”

²⁹⁰ Mme hoseng hoo ha tsoho! Tlotliso! Alleluia! Mattheu, mongodi e moholo enwa, 27:51, a re, “Hoba A tsohe bafung, bahalaledi ba Testamente ya Kgale, ba bangata ba robetseng

leroleng la lefatshe, ba tswa lebitleng, mme ba kena motseng ba ipontsha bongata.” Matla ao a phedisang, a ntsa le teng masapong ao a Elia mohla masapo a seng a le siyo, a sa ntse a dutse ho Jobo mohla ho sa hholeng ho setse lerole le tlalang kgaba la mmele wa hae. Empa Matla a phedisang a ntse a le teng mono.

²⁹¹ “Ha Moya wona o tsositseng Jesu bafung o ahile ka ho lona, O tla phedisa le mmele ya lona e shwang.” Lemohang, ka potlako jwale.

²⁹² O re, “Oh, eka nka be ke phela morao . . .” O phela nakong e molemo ho feta. Jwale ha lona bohle . . .

²⁹³ Ke le bona le ngola Mangolo a mmalwa fatshe. Ho lokile, ngolang Bathessalonika ba Pele 4:16. Lemohang ho hotle ha kakang, le a bona. Ka mono . . . “Bahalaledi, ba robetseng ho Kreste, Modimo o tla ba hlahisa le Yena mmoho,” le a bona, bahalaledi ba lebitleng, ba phomotseng. Elia kamoo a na le kateng; ba bang jwale ka Elisha; le a bona, ba bang ba bona ba a phediswa, ba bang ba tla nnkuwa, ba bang ba tla ba lebitleng. Ba tla tsamaya le Yena. “Terompeta ya Modimo e tla lla, mme ba shwetseng ho Kreste ba tla tsaha pele. Mme rona ba phelang ba saletseng re tla nnkuwa le bona hammoho, ho kopana le Morena sebakeng.” Matla a phedisang hodim’ a ba phelang; Matla a phedisang hodim’ a ba shweleng. Le a bona?

²⁹⁴ Wona Matla ao a Modimo a phedisang a hlahiswa baporofeteng bana bobedi. Shebang mabitso a bona, a batla a tshwana, Elisha, Elia. Le bona Monyadi le Monyaduwa? E mong ke Mongh. Jesu; e mong ke Mof. Jesu. Le a bona, a batla a tshwana, feela—feel a pakeng tsa—tsa Hae le Yena. Le a bona?

²⁹⁵ Elia, mme le shebe kamoo e tshwantshitsweng mona. Jwale, Elisha . . . A nkwa tlhwibilong, ho tshwantshwa Kereke, ke hantle, Elia; mme Elisha a phomotse ho fihlela tsoho. Le a bona? Eka nonyana feela, e hloka dipheyo tse pedi ho itekatekanya. Le a bona? Kereke e tshwantshitswe mono hantle baporofeteng ba babedi bao. “Hoba rona ba phelang ba saletseng ho tleng ha Morena, re ke ke ra sitisa bao ba robetseng; hoba Terompeta ya Modimo e tla lla,” dipheyo tse pedi tseo di tla kopana, mme re tla fofa, alleluia, ho fofa. Hoba, (ke eng?) ho ba phelang, kapa ba shweleng, Matla a tsosang ao a ntse a phela.

²⁹⁶ Lemohang. Hopolang, hopolang jwale, ho phediswa ho bona seo dintho tsena di leng sona. Hlokamelang Matla a phedisang a letsatsi lena. Hopolang, re phedisitswe. Ha se kgale haholo, ho thusa . . .

²⁹⁷ Mme ke—ke nahana Morena wa rona o boletse, le Pauluse o boletse, “Seo Ntate a mpontshitseng sona, ha Ke a ka ka le thibela sona. Ke le bolella sona.” Mme matsatsing ana a qetelo ha re bona Matla a Hae a phedisang hodima rona, O bile o file

le rona Matla a phedisang, ho bona bakudi ba fodiswa. Re bone Matla a Phedisang a sebetsa hara rona, kamoo A n'a le kateng hodim'a bona tshiung tse qalang, le a bona, ho bona A busetsa ka pono mme a tsosa bafu, ho bona A phekola bakudi.

²⁹⁸ Ke ne ke borella motho tsatsi le leng. Donovan Weerts e monyenyan, ke a kgolwa le mo tseba bohole. Ke ne ke tsoma le yena. Thakanyana la batho... Ke thaka le lokileng. O tsamaya kereke mona. O tla... Motswalle wa ka e moholo feela. Mme feela o... A re, "Ke ne ke sa batle ho o hlopha."

²⁹⁹ Ka sheba, mme tsebe ya hae, e phethohile, e horometse ka ntle. Ka re, "O phela jwang, Donovan?" Ka mo tshwara ka letsoho feela, ka tsela *eo*, homme kankere. Ka re, "Donovan, molato ke'ng ka tsebe ya hao?"

³⁰⁰ A re, "Ha ke tsebe, Moena Branham. Dikgwedi tse ka tshelang, tse ka supang, mme ha ke phetse ho fumana..."

Ka re, "Horeng o sa bua letho ka yona?"

³⁰¹ Ho re, "Ha ke—ke batle ho o kgathatsa, Moena Branham." Ka re, "O a tseba ke eng?"

Ho re, "Ke na le mohopolo."

³⁰² Ka bea letsoho la ka hodim'a hae feela, ke sa bue letho. Matsatsi a mabedi ka mora mono, keha ho se na le mongwapo. Ke eng? Matla a phedisang, le a bona, A tla tsosa mmele ya lona e shwang. Tsebe ya hae e ka be e foforehile, boko ba hae bo fedile, le a bona, o n'a tla shwa. Empa, Matla a phedisang! Le a bona?

³⁰³ Mme tsatsi le leng mohla ke ne ke kgathetse, ka bona, e ka ba... Ka re, "Ha o... Moshaana, o mpe o tswelepele, dilemo tsa hao di mashome a mahlano. Wena, ha o batla ho etsetsa Morena letho, o mpe o titime mme o le etse. O a tsofala." Le a bona? Mme mono hoseng hoo, Matla a phedisang a fihla, mme A ntumella ho nyarela mose ho lesira, mme ka le bona bohole mono. Uh-huh. Le a bona? A re, "Tsohle tse o kileng wa di rata, le tsohle tse kileng tsa o rata, di neilwe wena." Le a bona? Ka ba bona bohole mono ka tsela *eo*. E ne e le eng? Matla a phedisang.

³⁰⁴ Johanne Mossenodi o na tletse a Matla a phedisang tswete, ya bileng a ema mme a bona qetello qalong.

³⁰⁵ Esaia o ne a tletse Matla a phedisang, a ba a ema a bona dilemo tse Sekete le tsohle.

³⁰⁶ Matla a phedisang! "Mme ha Moya o tsotseng Kreste bafung, o ahile ka ho lona, O tla phedisa le mmele ya lona e morty... mmele ya lona e shwang." Hopolang, Matla a phedisang!

³⁰⁷ Tadimang seo re se boneng tsatsing lena. Matla a Pedisang a tlie ho rona, ho manolla Ditiiso tse Supileng. E ne e le eng,

hlalefo ya motho? Che, Matla a phedisang a Modimo. Le a bona, Matla a phedisang a Modimo a boletse ho hlaha ha ntho ena e sa le pele. Le a bona, Matla a phedisang a Modimo a etsa lefatshe le E pakele, e le Nnete. Lengeloi la Morena, ka le bolella, le ne le potile, Topallong ya Mollo; Matla a phedisang a etsa lefatshe le pake hore Ke Nnete. Mme, tabeng eo, ba sa tsebe E ne e le eng; mme rona ra tseba, shebang ka mokgwa *wona*, mme Ke Morena wa rona hodimo mono, le a bona.

³⁰⁸ Ke Yena Ya manolotseng Ditiiso tseo. Yena ke Ditiiso tseo, hoba Lentswe lohle la Modimo ke Kreste, mme Kreste ke Ditiiso tse ileng tsa manollwa. Ebe jwale manollo ya Ditiiso ke eng jwale he? Ho senola Kreste.

³⁰⁹ Mme wona Mangeloi a supileng, a n'a emetse Dikereke tsohle tse Supileng tse phethilweng, mme ne re sa kgone le ho E bona. Ke bona, ba nkileng setshwantsho, e seng rona. Mme ke Eo, oeme mono, Moahlodi e Moholo; ho supa ha E le Alfa le Omega, qalo le qetelo. Boitsebiso bo bokakang! Matla a phedisang a re etseditse hono.

³¹⁰ Matla a phedisang a re dumella ho bona ho tla ha Hae. Matla a phedisang a re utla lefung ho kena Bophelong. Matla a phedisang a fana ka temoho ya meya; ho tseba se phoso ka lona, le hore ho etswe eng; seo le se entseng, le seo le ne le sa lokela ho se etsa; le seo le ne le loketse ho se etsa, le seo le tla ba sona. Matla a phedisang, dintho tsena tsohle!

³¹¹ Morena wa rona Jesu o tletse Matla a phedisang hona, E ne e le Wona kaofela, mmoho. O ne a tletse Matla a phedisang hona, O boletse taba ena, “Qhaqhang mmele ona, mme Ke tla o tsosa ka matsatsi a mararo.” Le bua ka tshepo Matleng a phedisang! “Qhaqhang mmele ona, mme Ke tla . . . tempele ena, mme ke tla e nyolla matsatsing a mararo.”

³¹² Hobaneng, hobaneng A ne a ka rialo? O tsebile ho ne ho ngodilwe ka Yena, le a bona, hore ho ne ho ngodilwe ka Yena, ka Lentswe la Modimo le neng le ke ke la hloleha. Lentswe le boletse, “Nke ke ka tlohela Mokgethwa wa Ka hore a bone ho bola, Nke ke ka tlohela Moya wa Hae diheleng.” Mme A tseba hobane Matla a phedisang ao a tla Mo tsosa, hore ho ke ke ha bola le sele e le nngwe.

³¹³ A re, “Qhaqhang tempele ena, mme Nna ke tla e nyolla ka matsatsi a mararo.”

³¹⁴ Hobaneng? E ne e le boporofeta, Lentswe la Modimo. Mme boporofeta, ha E le Lentswe la Modimo ka nnete, bo ke ke ba hloleha. Mme bona boporofeta le Lentswe la Modimo le itseng O tla Mo tsosa, le re re se re tsohile le Yena. Ha ho makatse ha A itse, “Le se tshohe.” Mme ho ngodilwe, ho thwe, “Moya o leng teng jwale, o nong o le ka ho Yena, o ka ho rona jwale, o phedisa le yona mmele ya rona e shwang.” O se tshohe, motswalle, S-o-n [Mora—Moft.] o tsohile. Mora o tsohile. Ha ho . . .

³¹⁵ Jwale le shebe phetolelo. Rona, e mong le e mong, re ne re emetswe mono. Ho ne ho e-na le bahalaledi ba phelang ba neng ba hwibitswe, Elia o n'aeme mono; mme Moshe aeme mono, bahalaledi ba shweleng baeme... Hape, bobedi ba bona bo e-na le Matla a phedisang. Leha e mong a ka shwa, mme e mong a sa ka a shwa, ba mono bohole.

³¹⁶ Lemohang, oh, shebang seo re se bonang jwale matsatsing ana a qetelo. Yona ntho eo A e tshepisitseng, Johanne 14:12. Jwale shebang. [Sekgeo lebanteng—Mong.] Ruri.

Batho ba re, “O ipolela o na le matla?” Che, che, che.

³¹⁷ Re jwalo ka bao Thabeng ya Phetolelo, le a bona. Ruri, ha re ipolele matla. Empa, rona, jwalo ka—jwalo ka bao... . hodim'a Thaba ya Phetolelo, ba ne ba sa re, Moshe, a re, “Le a bona, le a mpona ke mang,” barutuwa ba re, “le a mpona ke mang, le a mpona ke mang.” Le tseba se hlahileng? Lemohang, ba bone Jesu a tlotlisitswe. Ke phetho seo ba ne ba batlile ho bona se tshwantshitswe, Jesu ya tlotlisitsweng.

³¹⁸ Mme ho jwalo le kajeno, ha re leke ho ba motho ya itseng ya phahameng. Ha re tsotelle seo batho ba se buang ka rona. Lebitso la rona ha se letho; ke Lebitso la Hae. Bophelo ba rona, ha se letho; ke Bophelo ba Hae. Ke Matla a Hae, e seng matla a rona. Mme ho na le ntho e le nngwe feela eo re ratang ho e etsa, ke ho Mmona a tlotlisitswe. Mme ho ka etswa jwang? Ha A tlotliswa ka ho rona, ka tsoho ya Hae e ka ho rona. Re Mmona a tshwantshitswe hape jwale ka ha A ne a entse, kajeno.

³¹⁹ Na le tshwere taba eo? Le a bona, takatso ya rona ha se ho tlotliswa. Takatso ya rona ha se lebitsohadi le itseng. Takatso ya rona ha se ho hodisa kereke e itseng, kapa ho eketsa sekolo sa Sontaha, kapa ho leka ho kenya ka hare, ho holeha-sa-kolobe, ho sutumeletsa ka hare, ho etsa moketjana wa pikiniki, kapa ho qhwaela dinaledi, ditalama, kapa ntho e kang eo. Ha se takatso ya rona. Takatso ya rona ke ho Mmona a tlotlisitswe. Ho tlotliswa, (eng?) e se ka boikgantsho ba motho; empa ka ho rona, maphelo a rona, ho paka ha A phela homme a phela ka ho rona.

³²⁰ Ha nka itlosa tseleng, ho fihlela ho sa hlole ho nahanwa ka William Branham, le wena ho sa nahanwe ka wena, ho fihlela re bona Jesu a tlotlisitswe hara rona. Ho bona Yena, ke takatso ya rona. Ke a phedi-... ho re abela Matla a phedisang. Mme e re tlisetsa thabo, ho tseba hoba re ka ho Yena, nama le lesapo la Hae mmoho, ho ba Monyaduwa wa Hae; le ho bona yona mekgwa ya Hae e netefaditswe, ho paka ka ho rona ha A tsohile bafung jwale. Le a bona?

³²¹ Ha ho makatse A boletse, “Le se tshohe,” ha jwale, lemohang, re lopolotswe ke Yena, mme jwale re tsositswe le Yena. Ke seo Paseka e se bolelang bathong, “ho tsoswa le Yena”! Lemohang. Jwale re na le Moya wa Hae ka ho rona, tokelo e hlaoletsweng e lefilwe ka bottlalo.

³²² Che, ha o re, “E, ke a tshepa ke tla tswella.” O se o tsweletse. E seng, “Ke *tla* tswella.” Ke se ke tsweletse. Ha se nna ya tsweletseng; O nketseditse yona. Le a bona? E seng nna; Yena! “Be, Moena Branham, ba re . . .” Ha ke tsotelle seo ba se buang. Ke Yena, ya nketseditse yona. Ke phetho seo ke se batlang, ke se tsotellang.

³²³ Feela ke—feela ke batla ho Mmona a pepesitswe. O ka etsa hono jwang, ka ho Mo theola? Che. O ka ho wena. O a bona, O ka ho wena. “Be, jwale, Morena, ha nka itshuthisa tseleng feela, O ka bonahatsa. Bonna . . . Ebe O ka ho etsa jwang? Hobo O e rerile jwalo. ‘Bohole bao Ntate a Nneileng bona ba tla tla.’” Lemohang. Tlotliso!

³²⁴ Ka bopaki boo bohole bo khobokantsweng, bo ho rona hoseng hona, oh, ke hopotse thoko eo:

Hoseng hoo ha tsoho,
Mohla tshiya tsa lefu di qhaqhwang,
Re tla tsoha, (Alleluia!) re tla tsoha!

³²⁵ Le a e dumela? [Phutheho e re, “Amen.”—Mong.] Re tla tsoha! Ka ho Yena re fetoha karolo ya Hae, Paseka, sephiri sa Modimo se senotsweng jwaloka mohlang oo, sa Bophelo ka mora lefu. Jwale re a phela, bao pele ba neng ba shwele sebeng le ditlolong. Tiiso ya nmete ya Paseka e qhaqholotse lefu le ntikileng, mme ke a phela. Tiiso ya Paseka, tshimolohong, e qhaqhile tiiso ya tiiso ya Roma, Tiiso ya Paseka, eo A neng a tiisitswe ka yona. Mme motho, ha ba ne ba shwa, ho ne ho fedile; empa A qhaqholla tiiso mme a senola sephiri. Mme jwale Modimo, ka Moya wa Hae o Halalelang, o qhaqhile tiiso e dikileng maphelo a rona, mme Kreste o senotswe O phela ka ho rona, hoba jwale re tsositswe le Yena. Oh, leqephe ka mora leqephe!

Re tla tsoha, (Alleluia!)
Re tla tsoha! (Amen!)
Hoseng hoo ha tsoho,
Mohla tshiya tsa lefu di qhaqhwang,
Re tla tsoha, (Alleluia!) re tla tsoha!

³²⁶ Oh, ha le a thaba? Ke thabile jwang! Morao-rao kwana, hoseng ho hong ka hara motlotlwana wa kgale wa mashala, ditiiso tsa na tsa qhaqhwa, mme ka tsoha le Yena, mmopuwa e mocha. Matla a Hae a phedisang; Mora o chabile.

³²⁷ Ha se kgale haholo, ha ke ne ke phethelwa palenyana ya—ya motshwasi wa dihlapi. Motho o ne a thole motshwasi wa kgale wa dihlapi ho mo isa Lebopong la Bophirima ho tshwasa. Ba ile ba tswa hoseng hoo.

³²⁸ Ha eba e mong wa lona a kile a tshwasa salmone mono, kgele, le tseba se etsahalang, mohudi o ye o opane haholo

mono. Ke bona moenanyana wa ka, Eddie Byskal, tlase mono, moromuwa ho maIndia ntle mono. Mme re nnile ra tshwasa, ka borona, mono mabopong ao.

³²⁹ Ka hona motshwasi enwa a se na boiphihlelo, le a tseba. A ya tshwasa dihlapi, yaba ba tswa ba sesisa. Ba emetse ho chaba ha letsatsi, le a tseba. Mme ba—mme ba se ba ba sa utlwé lenaka la mohudi hape, mme motshwasi enwa a ferekana, a re, “Kgele, re sesiseditse hare lewatleng! Hela!” A hla a rwaleha bo.

³³⁰ A re, “Dula fatshe, mora. Dula fatshe.” Motshwasi wa kgale, a imametse, le a tseba. A tseba seo a buang ka sona. Ho re, “Ema ho fihlela letsatsi le chaba, jwale re ka bona moo re leng teng.”

O re, “Ke be Methodise? Baptise? Pentekosta?”

³³¹ Ema feels. Mora o a chaba, re tla bona moo re leng teng. Ke Lentswe. Ema ho fihlela o bona Lentswe le bonahatswa, le chabela Peo, Ngata e tsokotswang, re tla bona moo re leng teng. Le a Mo rata? [Phutheho e re, “Amen.”—Mong.]

³³² Ke maswabi ha ke tshwareletse hakana. Ke ba bakae ba lona ba tla salla phirimana ena? Oh, kgutlang hape, phirimaneng ena, le a bona. Mohlomong ka hora ya bosupa? O ne o e-na le motho e mong? [Moena Neville o re, “Che.”—Mong.]

A re inamiseng dihlooho tsa rona.

³³³ Ho na le motho mona, kapa ba bangata, ba se nang Matla a phedisang ana ka ho lona? Mora o chabile, mme le kile la dula ka tabernakeleng ena, le utlwile diteipi, mme leha jwale Moya ha o eso le phedise hoo le ka latelang Lentswe la Modimo, hoo lona basadi le wena monna le ka mamelang Lentswe ka leng leo A le ngotseng! Oh, ke ntho e kotsi eo. Ha eba o le peo e shweleng teng, Bophelo bo le siyo ka ho wena? Empa ntho e teng ka ho wena, e o bolellang, “Ke—ke batla ho tsoha, hoseng hona. Ke batla ho tsoha maemong ao keleng ho wona. Ha ke batla ho ba peo e shweleng feela, ho tlohellwa mobu le patsi e phahamang feela. Ke batla ho tsoha.”

³³⁴ Na o ka phahamisa letsoho la hao, wa re, “Nthapelle, moena”? Modimo a o hlohonolofatse. Modimo a o hlohonolofatse. Kgele, shebang matsoho; ha ho mokgwa wa memela aletare ho hang. Hoo re ho bitsang aletare, batho ba ye ba tle aletareng, ha ke e tshehetse hakaalo, ebole. E mpile ya ekeletswa kerekeng feela mehleng ya tsoseletso ya Methodise. Le a bona?

³³⁵ Bibebe e boletse, “Ba neng ba dumela, le a bona, ba ne ba kolobetswa.” Letsha le teng mona, le tletseng metsi, le emetse nkgetheng ofe kapa ofe ya ikanetseng ho itjhewella.

³³⁶ Jwale, o ka patwa, hangata, ka Lebitso la Morena Jesu; empa pele peo eo e fetoha Bophelo, o a bona, Bo ke ke ba e tsosa. Che, che, che. Kolobetso ya metsi eka phoka e theohileng lehodimong; e ka nna ya nela peo, empa, ha Bophelo bo le siyo mono, e ke ke ya phela.

³³⁷ Empa ha e le kolobetso eo ya mnnete ya metsi, ya ho ichoella ha hao, mme o itokiseditse ho shwa nthong e nngwe le e nngwe o kileng wa e rutwa ke ditumeloana le diphutheho tse hlophilweng, tse kgahlano le Lentswe, mme o tla tsamaya jwalo ka mora kapa moradi wa Modimo, mme o tiile pelong ya hao, hlokomela seo kolobetso eo ya metsi e tla o etsetsa sona hoseng hona. “Bakang, e mong le e mong wa lona, mme le kolobetswe ka Lebitso la Jesu Kreste tshwarelong ya ditlolo tsa lona, sebe sa hao, mme o tla amohela Ngata, nyehelo e tsokotswang. O tla amohela Matla, Moya o Halalelang. Hoba pallo ena e etseditswe lona, le bao bohle. Ho isa melokong yohle, e tla ba teng.”

³³⁸ Ntate Modimo, ke—ke ile lolololo, ka ba ka nka nako e ngata ya batho, empa, Morena Modimo, ha ho moo e fellang teng. Eka motho o loketse ho tela feela tsamaye, a phomole, a ntoo kgutla hape. Re phela lefatsheng le shwang, hara batho ba shwang; ka Molaetsa wa Bophelo, le ka bopaki ba tsoho. Modimo o ratehang, re tla phela hang feela jwaleka batho ba buswang ke lefu, mme ha re ka tlohela monyetla ona wa re feta ho tla ba jwang?

³³⁹ Dipelo tsa rona di a tuka; meya ya rona e hloletswe; bana ba keneng. Mme bongata mona bo utlwa Molaetsa ona hoseng hona. E, makgolo a mabedi kapa a mararo a phahamisitse matsoho a bona. Ba batla ho dumela, Morena. Oh, ehlide peo eo ha e a shwa, Morena. Ba ne ba ka phahamisa letsoho la bona jwalo jwang? Ho na le ntho e nngwe. Oho Modimo, ke botho ba kgale, ke mosadi eo wa Jobo ya emeng mono, a re, “Oh!” Empa, Morena, Jobo eo, modumedi eo, a ke a kene, hoseng hona, a shwe shwi, mme a epelwe mona kolobetsong ena ya metsi.

³⁴⁰ Mafafatsane a phoka a theohang Lehodimong, Lentswe la Modimo le reng Le tla hlatswa sebe ka seng le ho se tshwarela! O kolobetswa Lebitsong la Jesu Kreste, bakeng sa eng? Tshwarelong ya sebe sa hao, dibe di tshwarelwia Lebitsong la Jesu Kreste.

³⁴¹ Jwale, ha ho le jwalo, Ntate, ho ke ho... Ha ba kula, ba ke ba tswe ba phetse. Ha ba holofetse, ba ke ba tswe ba tsamaye tlasa Matla a Moya o Halalelang. Ha eba e ne e ntse e le baetsadibe, ba ke ba tswe ba hlatswitswe ba hlwekile. Mme dihlomo tsa machini, ka ho kena ka hare; Matla a ke a theohe Hodimo, Moya o Halalelang, mme o ba nke o ba hape, Morena. Phedisa mmele ya bona e shwang, jwale re tla utlwa dipuo tsa

makgonthe tse ncha, matla a Modimo, lerato le sa bolelweng, mohau o shwang le mohau o phelang; le Kreste ya tsositsweng, Mmele, Monyaduwa ya Mo tshwantshang hodim'a lefatshe.

³⁴² Ntate, ke ba Hao. Ba phahamisitse matsoho a bona. Ke rerile Lentswe. Jwale, Ntate, ba amohele, ke a rapela. Ka Lebitso la Jesu Kreste, ke a e kopa. Amen.

³⁴³ Le a Mo rata? [Phutheho e re, "Amen."—Mong.] Na ha A babatse? ["Amen."] Na o kgotsofaletse ha o le karolo ya tsoho eo ya Paseka, ha o tsositswe le Yena? ["Amen."] Phahamisa letsoho la hao. O kenyeleditswe.

³⁴⁴ "Bana ba ka," jwale ka ha Pauluse a na ka bua. E seng ho leka ho mo etsisa, empa, lerato, ke a le rata. Ke thunthetsa ditsela le ntho e nngwe le e nngwe, ho fihla mona, ho buisana le lona. Ho tswa lehwatateng, ho parola melatswana ya lehlwa, le tse jwalo, ho fihla mona. Re fofa ka difofane. Le kganna le parola naaha, re tle re kopane. Re a ratana.

³⁴⁵ Re karolo e mong ya e mong. Le se dumelle Satane ho le bolella letho le sele. Ka ho ba karolo e mong ya e mong, re karolo ya Hae. Mme re bomphato baahi-mmoho ba Mmuso, re natefeloa ke mahlohonolo ana, mmoho, a tsoho.

³⁴⁶ Mme jwale, bonang, le se le tsositswe jwale. Mohla Modimo o no o Mo tsosa, le lona O le tsositse. Mora o hodim'a lona hantle hona jwale, mme jwale le holela jwaleka Yena Bophelong bo thunyang, ho tsoswa ka bottlalo tsatsing leo la qetelo. Bokgoni ba lona, le bo ruile hona jwale. Hobaneng le tseba? Moya wa lona o fetotswe, ha ke re? Mmele ya lona e beilwe kutlong ya Lona, ha ke re? Kutlong ya (eng, kereke?) Lentswe, e leng Bophelo, ha ho le jwalo le tsositswe bafung jwale. Ke Paseka, ka nna le Jesu. Ke Paseka, ka wena le Jesu. Mme ke Paseka, ka wena, nna, le Jesu. Rona bohole re...Kapa, Jesu, wena, le nna, rona bohole re tsositswe mmoho.

³⁴⁷ Mme re tla tsoha tsatsing la qetelo, esita leha meya ya rona e siya mebele ya rona, esita leha mebele ya rona e jewa ke mafome, e ke e kene leroleng, e ke e chesoe, e ke e be botebong ba lewatle. Bibele e itse, "Lengeloi la tsholella ya lona hodim'a lewatle, mme ntho e nngwe le e nngwe e neng e shwele ya boela ya nyoloha." Ha ho letho le ka re patang, kapa la re arohanya, le Modimo eo re mo ratang hantle hakana, ya re tsositseng mmoho.

³⁴⁸ Modimo a le hlohonolofatse. Ke le tshwareletse nako e telele mona. Ha batho bao ba ntse ba le mohaleng oo, ruri ba...Ka disente tse mashome a mahlano ka motsotso, ba lefile haholo ruri, hoseng hona. Empa, ne nke ke ka ema horeng eo, ke ne ke loketse feela ho tswelapele.

³⁴⁹ Jwale, ha Morena a rata, ke tla kgutla phirimaneng ena, ho buisana le lona hape. Mme ha ke sa kgone, lona bohole le ke le tsebe...Ke a kgolwa ha re...kapa ha ho...Ha re sa le mohaleng hape? Ha re sa le mohaleng hape.

³⁵⁰ Le tseba bohole moo ke yang teng, ha ke re? Afrika! Ke letsitse ka nako e telele; ke lekile ka dilemo ho kgutla. Jwale pono, Moya wa Modimo o lokisitse tsela. Ba boletse, mohla batala bao ba batho ba ne ba e utlwela, hore ha ke a fihla kgetlo la ho qetela ha ke ne ke le mono, ba namalla fatshe bosiu le motsheare, mme ba dumaela ba bile ba lla, mme ba re, “Morena, re entse’ng?” dikete tsa bona. Batho bao eibile ha ba dumele ba e-na le soule. Le a bona? Mme ba lla ba dumaela, mme ba bokolla.

³⁵¹ Le se romelle polelo e nketang pele. Le se leke ka kopo hle. Le a bona, ha visa eo e ka feta moo mme ya kena hara bareri bao, ba tla nthiba hona moo. Ke loketse ho kena jwale ka setsumi. Ke nyolohela ho mofumahadi ya ileng a romela makareche a leshome le metso e supileng a terene a ba a tla tshebeletsong. Ke loketse ho theoha ke tsome lebatoweng la hae. Mme ke a kena, pasepoto ya ka le ntho e nngwe le e nngwe e re setsumi, e seng tshebeletso ya bodumedi.

³⁵² Ho ntoo ba le moena ya nkgahlametsang, a re, “Ha o re tshwarele tshebeletso e nyenyane ke’ng?” Ditadiamo di se di rentilwe. Le ho tseba ha ba e tsebe. Le a bona! Oh, thoriso!

³⁵³ Le rapele hore thato ya Modimo e tle e se ke ya sitiswa. Kamoo, moya wa ka o lletseng Afrika ha e sa le ke tloha, a nke ke kgone ho kgutla hape, ke ntoo le tlisetsa molaetsa wa tshebeletso e kgolo. Mohlomong nka se hlole ke le bona, ho qala kajeno, ho fihlela ke kgutla. Re tsamaya, matsatsing a mmalwa feela jwale, la leshome Motsheanong. Na le tla nthapella? [Phuthetho e re, “Amen.”—Mong.]

³⁵⁴ Hopolang, ha le tsebe mathata, pele le fihla mono; dingaka tsa setso mahlakoreng wohle, le diabolosi, mme le se nahane ha ba sa tsebe seo ba loketseng ho se etsa. Le a bona? Mme o mpe o tsebe seo o buang ka sona, ha o ema ka pela bona. “Empa ke tseba Eo ke dumetseng ho yena, mme ke tille hoba O kgona ho boloka seo ke se beileng kalosong ya Hae tsatsing leo.”

Jwale, ho na le disakatuku tse robetseng mona.

³⁵⁵ Modimo o ratehang, joale ka Molaetsa ona hoseng hona, wa tsoho, mme ke eme mona, Morena, ke paka ka Lentswe hore Matla a phedisang a ka hara ngwana ya dumelang. Ha ho le jwalo, ka ho dumela, ka tumelo, hore Matla ao a phedisang a fetotse bophelo ba ka. Mme batho bana ba dumela, Morena, mme A fetotse maphelo a bona. Mme re a rapellana.

³⁵⁶ Ke bea matsoho a ka hodim’ a disakatuku tsena, tse . . . A Modimo, Ya tsositseng Jesu Kreste a ba a mo nyolla bafung, le Moya oo o Mo tsositseng bafung, o ahe ka hara mmele ya rona.

³⁵⁷ Moya o n’o le mmeleng wa Elisha, oo, ka mora lefu mme e se letho ntle le masapo, a ne a ena le Matla a phedisang ho ona.

Matsoho a baapostola a ne a ena le Matla a phedisang ho wona. Mehopolu ya baapostola, mahlo a baapostola, e-e maleme a badumedi, tsohle di ena le Matla a phedisang.

³⁵⁸ Jwale Matla a phedisang ao, ke sa bea Lentswe lena hodima tsona, le matsoho ho tshwantsha mong'a tsona, ka mohau, wa Matla a phedisang ao, A ke a phedise o mong le o mong wa mebele ena e kulang, mme ba ke ba hlaphohelwe hape, Modimo, ka Lebitso la Jesu Kreste.

³⁵⁹ E se be bakeng sa disakatuku tsena feela, empa le bakeng sa batho bao ba ka ntle mono mokguping, e mong le e mong ya sotlehang. Bana ba banyenyane bao, batho ba hodileng, e ka ba bomang feela, Matla a phedisang ao a ba phedise hona jwale, Lebitsong la Jesu. Amen.

³⁶⁰ Jwale, ba bakae ba nang le Matla a phedisang? [Phutheho e re, "Amen."—Mong.] Jwale beanang matsoho hodimo, ha Matla a phedisang ao a ahile ka ho lona.

³⁶¹ Jwale, ntho e nngwe feela eo o ka A baballang ho yona, ho sitisa, ke ho se dumeleng ha hao. Mosadi o ile a ama seaparo sa Hae, a fodiswa; lesole la Roma la tshwela sefahleho sa Hae, mme la ya diheleng. Le a bona? Ka hona ena le...ho itshetlehile moo o leng teng. Le a E dumela? [Phutheho e re, "Amen."—Mong.] Le a E dumela?

³⁶² Jwale ke batla le inamise dihlooho tsa lona mme le rapellane. Rapela feela—feela hantle, e re feela, "Morena, motho enwa"....Le a bona, rapellanang feela.

³⁶³ Modimo o Ratehang, re etsa hona ka Lebitso la Jesu Kreste, lona feela Lebitso hara batho leo re ka bolokwang ke lona le ho fodiswa. Batho bana, e leng baahi-mmoho ba Mmuso, barui ba Matla a phedisang, A tsoisetse bona, Morena, hona jwale. Mme Moya o ke o tlohe ho ntsu ho ya ho ntsu, ho tloha Lentsweng ho ya Lentsweng, bottlalo ba Jesu Kreste bo be bo bonahatswe ho o mong le o mong wa mebele, bakeng sa nama, moyo, leha e ka ba tlhoko efe feela eo ba e hlokang, re sa beana matsoho a rona hodimo. Lebitsong la Jesu Kreste.



KE HO TJHABA HA LETSATSI SST65-0418M
(It Is The Rising Of The Sun)

Molaetsa wona o tlileng ka Moena William Marrion Branham, o rerilwe ka Sontaha hoseng, Mmesa 18, 1965 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2004 ke ba ha:

©2004 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org